



**R. P. Sebastiani Izquierdo Alcarazensis Societ. Iesv Regii
Senatvs S. Inqvisitionis Hispaniarvm Qualificatoris, Et
Olim Complvti Sacræ Theologiæ Professoris. Opvs
Theologicvm, Iuxta atque ...**

Vbi De Essentia Et Attribvtis Divinis Vbertim Disseritvr ...

Izquierdo, Sebastián

Romae, 1664

Disptatio VIII. De tempore, & duratione rerum.

[urn:nbn:de:hbz:466:1-76990](#)

TRACTATVS IV. DE AETERNITATE D E I.



Ostquām de immensitate Dei, sive existentiā in omni loco tracta-
vimus, sequitur, vt de ipsius aeternitate, sive existentiā in omni
tempore tractemus. Continebit autem tractatus iste duas tantum
disputationes, Alteram de tempore & duratione rerum in vniuersū.
Alteram de ipsā Dei aeternitatē.



DISPUTATIO VIII.

De tempore, & dura-
tione rerum.

Th̄s sunt precipui huius disputationis ter-
mini, Tempus, quod dicunt imaginari-
um; (spatiūque temporale dici potest
propter analogiam, quam habet cum
ratio locali); Tempus reale; & Duratio, Tem-
pus imaginarium, spatiū ve temporale dicitur
ill̄a capacitas successionis, seu motus successivi,
quam nos concipiimus ad instar cuiusdam fluxus
continui undeque aeterni, seu infiniti, idest,
tam à parte ante, quam à parte post, comple-
tētisque, & quasi intra se recipientis sua par-
tium successiū, interminataque extensio,
quæcumque quoquomodo existunt. Tempus
reale dicitur fluxus iste motus Celerum, à
quo vicissitudo ista dierum, & noctium con-
tingit successione fluentium prouenit. Dura-
tio denique dicitur id, à quo unaquaque res
habet existere in tempore. De quibus sigil-
latim,

QVÆSTIO I.

*Quid sit; in quo ve confusat du-
ratio, sive existentiā
rei in tempo-
re.*

Duratio, si strictam vocis significationem
species, nihil est aliud, quam perseverantia
in existentiā. Vnde, loquendo strictè, res non
dicitur durare, cùm primum incipit existere,
sed post; sicut non dicitur conferari, cùm pri-
mum producitur, sed post. In tota verò præ-
senti disput. latius accipitur Duratio, pro qua-
vis scilicet existentiā rei in tempore, sive diui-
nibili, sive indivisiibili, sive primo, in quo res
incipit existere, sive sequente, in quo perseve-
rat. Quemadmodū vbiacit, seu præsentia
localis communiter sumitur pro existentiā rei in
quoniā loco. Ut ergo de existentiā in loco, quæ

vbiacit dicitur, generatim examinaulmus, in
quo considereret disput. 5, quest. 1. ita modò ex-
aminandum aggredimur, in quo consistit existen-
tiā in tempore, quam, latè accepero hoc vocabu-
lo, durationem vocamus. In præsenti autem
non de duratione Dei, de qua potea, sed tantum
de duratione creaturarum, & vniuersū omnium
à Deo distinctorū correspondentium temporis
agetur,

Supposito autem ex dictis in Pharo Scient.,
disput. 9, quest. 6, quod existentia rei creata non
est aliquid realiter superadditum existentie eius,
sed quid omnino cum illa realiter identifica-
tum, potissima difficultas huius questionis est.
An existere rem in tempore aliquo, sive du-
rare in illo, importet aliquid distinctum realiter
ab ipsā re existente, & à tempore; vel prorsus
nihil.

Prima sententia est, durationem rei in
aliquo tempore nihil esse realiter rei superaddi-
tum, sed vel formalitatem ab ipsā re realiter
indistinctam, vel denominationem ei semiex-
trinsecam coexistenter cui cum tali tempore.
Huius sententiae sunt Soar. disput. 50. Metaphys.
sect. 1. & seqq. & p[ro]p[ter]eque alibi. Vazq. 1. par. disput. 33,
cap. 3. Molina quest. 3. artic. 4. disput. 2. Valent. di-
sput. 1. quest. 1. punct. 3. Gillius lib. 2. tract. 10. cap.
6. num. 2. Perierius. lib. 1. 2. Phys. cap. 5. prop[os]it. 3.
& 4. Fasol. 1. par. quest. 10. artic. 1. dubit. 2. Alarc.
tract. 6. disput. 6. cap. 7. num. 19. Pet. Hurt. disput. 17.
Metaph. lect. 3. subl. 4. Franc. Alf. disput. 24. Phys.
sect. 2. Ouedo contr. 16. Phys. punct. 1. Spinul. di-
sput. 12. Phys. lect. 4. Tellez disput. 45. Metaph. sect. 1.
& apud eos alii.

Secunda vero sententia est, durationem,
rei creatae accidentis quoddam esse realiter ei su-
peradditum, ipsique inhärens, à quo habet, in-
tali, aut tali tempore existere. Non secus, ac
præsentia localis rei creatae iuxta sententiam com-
munem probatam à nobis suprà disput. 5, quest. 1.
accidentis est ei realiter superadditum, ipsique
inhärens, à quo habet, in tali, aut tali loco exi-
stere. Hanc tenent D. Bonau. in 2. distinc. 2.
1. par. distinc. artic. 1. quest. 3. Ricard. Major, Ar-
gent. Henr. Abel. & Conimbric. quos pro hac sen-
tentia refert, & sequitur Rub. in Phys. lib. 4. tract.
de tempore quest. 4. Salas 1. 2. tract. 7. disput. 2.
sect. 12. num. 122. Murcia lib. 4. Phys. disput.;
quest. 4. Arriaga latè eam probans in Physic. di-
sput. 15. sect. 1. Card. Lugo tom. de Sacram. disput.
de Eucharist. sect. 5. num. 132. Carlet. disput. 38.
Phys. sect. 1. Lynce lib. 7. Phys. tract. 2. cap. 2. & alij
multi

multi Recentiores. Neque abs te pro sententiâ istâ videantur aducari posse Thomistæ, qui cum S. Tho. docent, existentiam creaturæ realiter ab eius essentia distingui. Exponi namque posse videntur, non de existentiâ præcisâ, sed de existentiâ in tempore, quæ est ipsa duratio. Porro plerique huius sententiaz Auctores omnem durationem creatam penes diuisibilatatem spatiij temporalis, seu temporis imaginarij, cui correspondet, diuisibilem ponunt, atque adeo compositionem ex partibus suâp̄t̄ essentia successivis, affixisque partibus dicti temporis, quo pacto partes ubicationis extensæ localiter affixa suâp̄t̄, essentia dicuntur partibus spatiij localis. Non tamen desunt, qui durationem rerum permanentium indiuisibilem ponant in ordine ad tempus, atque adeo intrinsecè non successivam. Durationem autem esse modum quendam realiter superadditum, atque ita se ipso sufficienter rem durantem, ceteri huius sententiaz Auctores aut exprimunt, aut supponunt, præter Arriag. Cartet. & Lynce, qui censem, esse, aut posse esse rem per uionem intermedium unitam rei duranti. Sicut idem censuerunt de praesentiâ comparatione rei præsens. Nonnulli verò corundem Auctorum cum Card. Lugo tom. de Incarn. disput. 19. sect. 1. num. 20. opinantur, durationem ab actione, qua res durans producitur, & conseruatur, realiter distinctam non esse.

Propositio I.

5 Existere rem creatam aliquando, sive in aliquo tempore, aliquid importat distinctum realiter ab ipsâ re creatâ, & tempore: non secus, atque existere rem creatam alicubi, sive in aliquo loco, aliquid importat distinctum realiter ab ipsâ re creatâ, & loco.

Suppono ut principium certum apud omnes Auctores tam prima, quam secunda sententiaz, res creates, quæ de facto dantur, de quibusque sermo est in propositione, non esse affixas essentialiter alicui determinato tempori, determinatas ve essentialiter ad existendum in illo præ ceteris ex hypothesi, quod existant: sed esse ex suâ naturâ indifferentes ad existendum in hoc, aut in altero tempore; sicut indifferentes sunt ad existendum in hoc, aut in altero loco. Itaque, vt Deus creauit animam Petri verbi gratia in hoc saeculo post mille, & sexcentos annos a Christo natò, potuit creare eamdem in aliquo ex saeculis anterioribus, vel ad aliquod ex subsequentibus eiusdem creationem differre. Et, vt Deus creauit hunc Mundum in tali parte spatiij temporalis, seu temporis imaginarij, potuit aut ante, aut post illam pro arbitratu suo creare. Et, vt ego usque ad hodiernum diem vixi, potui in aliquo ex annis præteritis vitam finisse; quo fieret, vt non existarem in tempore hodierno, in quo existo. Itaque de hoc principio nemo est, qui dubiteret. Ex quo semel statuto censeo, propositionem nostram satis aperte, & efficaciter probari.

6 Probatur autem primò sic. Existere Petrum hodie, & existere Petrum, duo quæpiam sunt realiter separabilia. Ergo existere Petrum hodie, & existere Petrum, duo quæpiam sunt realiter inter se distincta. Ergo existere Petrum

hodie, aliquid importat reale, quod non importat, existere Petrum: hoc autem dicimus durationem hodiernam Petri. Vraque consequentia est evidens: quia, quæ realiter sunt separabilia, non possunt non esse realiter distincta; & quoties duo quæpiam realiter sunt distincta, non potest non importare unum aliquid reale, quod non importat aliud. Antecedens autem non minus evidenter ostenditur: quia heri dabatur, existere Petrum, & tamen non dabatur, existere Petrum hodie; quod est, alterum horum ab altero separatum fuisse realiter; atque adeo ea realiter separabilia esse.

Respondent Aduersarij; existere Petrum 7 hodie, includere quidem aliquid præter existere Petrum, quod dabatur heri, nempe existentiam temporis hodierni, quæ non dabatur heri; temporis, inquit, hodierni non realis, (quia duratio rerum non dependet à tempore reali, cum & ipsum reale tempus independenter ab alio reali tempore duret, & quævis res alia durare posset independenter ab illo), sed imaginarij. Contra tamen: quia, præterquam quod tempus imaginarium nihil est reale actuale, ut postea ostendemus, & Aduersarij consentent; existere Petrum hodie, adhuc importat aliquid amplius, quam existere Petrum, & existere hodiernum tempus imaginarium; quis hæc duo adhuc sunt separabilia realiter ab hoc, quod est, existere Petrum hodie. Si enim Petrus, qui existit heri, iam hodie non existaret, ut fuit possibile, cras foret verum, extitisse Petrum, & extitisse hodiernum tempus; & tamen non fuisset verum, extitisse Petrum hodie. Quod argumento est manifesto, duo illa ab hoc tertio realiter esse distincta: de eodem enim nequeunt duo contradictoria verificari; atque adeo extitisse Petrum hodie, aliquid reale importare, præter extitisse Petrum, & extitisse hodiernum tempus. Quod dicimus nos esse hodiernam, & superadditam durationem.

Respondent Aduersarij, durationem hodiernam Petri, præter existentiam Petri, & existentiam hodierni temporis, amborum coexistentiam, conjunctionem ve existentiam importare; vel, ut alii explicant, æqualem ytriusque existentiaz distantiam à puncto aliquo fixo, ut à puncto creationis Mundi. Benè. Sed instauro argumentum. Coexistere Petrum cum tempore hodierno, vel æquè distare à puncto creationis Mundi, est aliquid realiter separabile ab existere Petrum, & existere tempus hodiernum, ut constat ex dictis: siquidem dari possunt in rerum naturâ ista duo; quin Petrus coexistat cum tempore hodierno, aut æquè, atque illud, distet à puncto creationis Mundi; ut darentur in casu nuper proposito. Ergo coexistere Petrum cum tempore hodierno, aut æquè, ac illud, distare à puncto creationis Mundi, quidpiam est distinctum realiter ab existere Petrum, & existere tempus hodiernum, atque adeo aliquid reale importans, præter ista duo; quod est duratio hodierna Petri.

Vel aliter idem ipsum sic potest urgeri. 9 Obiectum huius propositionis, Antichristus, & tempus crastinum existent, est verum. Obiectum vero huius, Antichristus, & tempus crastinum simul existent, non est verum. Ergo ista obiecta realiter inter se distinguuntur. Repugnat enim ut de eodem obiecto reali verificantur simul duo contradictoria; qualia sunt, esse verum, & non esse

esse verum. Ergo obiectum secundum aliquid importat reale, quod non importat primum, nimirum durationem crastinam Antichristi non extitaram. Respondent iterum Recentiores, esse quidem verum, tum Antichristum, tum tempus crastinum extitum: sed non cum equali distantia ab hodierno tempore, prout erat necesse, ut Antichristus in die crastino duraret. Miror tamen, hos Recentiores non aduertere, semper nostrum eadem vi instaurari posse argumentum. Etenim loco illius obiecti, *Antichrīsus*, & *tempus crastinum simul existent*, ponatur hoc, *Antichrīsus*, & *tempus crastinum aque distanter ab hodierno tempore existent*. Eademque prorsus efficacia premet discursus factus, ut constat. Quod semper continget, quibusvis semper ibidem positis Aduersiorum terminis. In summa namque, quidquid dicetur esse duratione crastina Antichristi, sive coexistentia Antichristi cum tempore crastino, sive simultaneitas eorum, sive aqui distantia à punto fixo, sive quidpiam aliud: certum est, complexum ex Antichristo, & tempore crastino esse futurum, & durationem crastinam Antichristi non esse futuram. Certum est etiam, Deum videre futurum, quidquid includitur in tali comple-¹⁰xo, & non videre futuram talem durationem. Ergo talis duratio non potest non distinguiri realiter à tali complexo, ab omnibusque partibus eius tunc collectiue, tum distributiue visutatis.

10 Vrgetur deinde idem ipsum aliter. Aequum repugnat, esse aliquid futurum, & non esse futurum id, quod est idem cum illo, ac repugnat, esse aliquid praesens, & non esse praesens id, quod est idem cum illo: siquidem tam primum, quam secundum contradictionem implicat, ut est non nullum. Ergo si duratio crastina Antichristi est idem cum aggregato ex tempore crastino, & Antichristo, & hoc est futurum: repugnat talem durationem non esse futuram. At tale aggregatum vere est futurum; sicut talis duratio, Ergo hæc cum illo non est idem.

11 Præterea aliter. Esse futurum aggregatum ex tempore crastino, & Antichristo, compatibile est cum eo, quod Antichristus, & tempus crastinum non penetrantur temporaliter. Sed esse futurum durationem crastinam Antichristi, non est compatibile cum eo, quod Antichristus, & tempus crastinum non penetrantur temporaliter. Ergo, esse futurum tale aggregatum, aliud quid est realiter ab esse futurum talen durationem; proindeque hæc ab illo distingue quid realiter est. Dico autem penetrari temporaliter ea, quorum unum temporaliter intra aliud est iuxta inferius dicenda.

12 Vnde denique aliter. Duratio crastina Antichristi essentialiter sibi vindicat penetrationem temporalem Antichristi cum tempore crastino. Sed neque existentia Antichristi, neque existentia temporis crastini, neque virtusque binariorum vendicant sibi essentialiter talem penetrationem; siquidem eam de facto non sunt habitura, quoniam de facto sunt futura. Igitur duratio crastina Antichristi realiter est quid distinctum à tali binatione, & eius partibus.

13 Hinc secundò probatur propositio à priori. Quoniam unaquaque res creata indifferens est, ut supponimus ex omnium consensu, ad existendum in hoc, aut in alio tempore, idque etiam post factam suppositionem, quod talia tempora sunt

futura, vnumquodque in suo gradu. Igitur, ut determinetur ad existendum in hoc potius, quam in alio tempore, aliquid debet ei adiungi suapte natura determinatum ad hoc tempus præ alio. Consequentia est evidens. Quia, quod per se non est tale, per aliud sibi adiunctum debet habere, tale esse; atque adeò res, quæ per se non haber, esse existens in hoc tempore potius, quam in alio, per aliud sibi adiunctum debet necessariò id habere. Dices, per tempora ipsa determinari vnamquam rem alias existente, ut existat potius in hoc, quam in alio. Sed contra primò. Quia etiam ex suppositione temporum permanet vnaquaque res alias existens cum sua prædicta indifferentia, ut statuimus. Ergo aliquid aliud præter tempora desideratur, quo talis indifferentia tollatur. Contra secundò. Quia, quodvis tempus non aliter, quam per suam existentiam, qualis qualis ea est, determinare potest rem alias existentem, ut in ipso præ alio existat, ut constat. Sed, supposita existentia cuiusvis temporis, adhuc vnaquaque res alias existens manet indifferens ad existendum in ipso, vel non existendum: siquidem supposita existentia temporis hodierni, potius ego non existere in ipso existens in alijs temporibus: innumeræque res non existunt hodie, quæ potuerunt hodie existere; de factoque in alijs temporibus, aut extiterunt, aut existent. Igitur, præter quadus tempus existens, aliquod aliud determinatum dicit, ut vnaquaque res alias existens in ipso præ alio sit existens. Quod durationem superadditam dicimus.

Tertiò probatur propositio. Quia, velle¹⁴ Deum efficaciter existentiam Petri in tempore A, non est velle existentiam Petri dumtaxat. Aliás idem esset, velle existentiam Petri in tempore A, ac velle existentiam Petri in tempore B. Quod est absurdum. Nec est, velle existentiam Petri, & existentiam temporis A dumtaxat; (dato quod tempus A imaginarium, de quo agitur, volibile sit à Deo efficaciter, quod tamen est falsum). Aliás non posset Deus velle existentiam Icanus in tempore A, & existentiam Petri in alio quoque tempore, quin velle existentiam Petri in tempore A: siquidem id ipsum esset velle existentiam Petri, & existentiam temporis A. Quod tamen etiam est absurdum. Igitur, velle Deum existentiam Petri in tempore A, velle aliud aliud est præter existentiam Petri, & existentiam temporis A. Quod nos dicimus durationem Petri suæ existentiæ respondentem tempori A.

Si dicat aliquis, volitionem, qua Deus vult existentiam Petri in tempore A, ex parte obiecti nihil aliud tangere præterquam tempus A, & Petrum; ex peculiari tamen modo tendendi, tangendique ea duo habere, ut non possint non ponere Petrum existentem in tempore A, quod tamen alia volitiones non habent, eti integrè tangent idem obiectum. Contra primò. Quia hoc iam est manus dare, & fateri, hoc, quod est, Petrum existere in tempore A, præter existentiam Petri, & temporis A, aliquid aliud in quoque luere, prout argumenta nostra contendunt, nempe peculiarem Dei volitionem. Contra secundò. Quia iuxta hunc modum philosophandi æquali iure possent in peculiarem Dei volitionem referri omnes modi rerum creaturarum. Atque ita dici, presentiam, qua vnaquaque res est in loco, nihil aliud esse à peculiari Dei volitione, qua Deus vult, ut sit in eo loco. Motum localem nihil esse aliud

Disp. VIII. De tempore, & duratione rerum. Quæst. I. 207

aliud à serie peculiarium Dei volitionum se succedentium, ponentiumque rem successiū in spacio extenso locali. Actionem, qua ignis producit calorem, & quævis causa suum effectum, nihil esse aliud à peculiari Dei volitione, qua vult, vt talis effectus existat à tali causâ, cùm posset velle, vt existaret ab aliâ. Unionem, qua qualibet extrema vniuntur, aliud non esse à peculiari Dei volitione, qua vult, vt vniantur, &c. Quod esset totam Philosophiam, ac Theologiam inuertere. Contra tertio. Quia pro effectibus formalibus, quos deprehendimus in rebus, non est recurrendum ad volitionem dininam tanquam ad formam, aut partiale eorum constitutum, nisi quando ita sunt morales, vt sine tali volitione constare non possint, vt est punitio peccatorum, remuneratio meritorum, & similes. At duratio rerum in tempore nihil habet moralitatis, sed quid prorsus physicum est, vt ex se patet. Igitur integrè est constituenda ex parte obiecti volitionis diuinæ. Quod fieri non potest, nisi, prater existentiam rei durantis, & tempus, aliqua insuper forma physica superaddatur, vt argumenta nostra probant.

¹⁶ Quartò probatur propositio. Quia præsentia rerum in loco non potest non esse forma realiter superaddita, intrinsecaque rei præsenti, vt disp. 5. quæst. I. probauimus, & consententur Aduersarij. Ergo duratio rerum in tempore non potest non esse forma realiter superaddita, intrinsecaque rei duranti. Negant paritatem. Quia, inquit, cùm spatium locale sit permanens quoad omnes suas partes, per nullius nouum aduentum potest determinari res ad existendum denuò hic, aut ibi, vbi ante non erat; necesseque subinde est addere formam denuò aduentem, per quam determinetur. At verò, cùm spatium temporale è contra quoad omnes suas partes sit successuum, per vniuersaliter aduentum determinatur res existens, vt illi coexistat, sive ei corresponeat, sive in ea duret; quin sit necessaria villa alia forma, qua res intrinsecè mutetur. Quemadmodum arbor plantata in ripâ fluminis absque villâ sui mutatione intrinsecè sit successiuè præfens, seu correspondens omnibus partibus aquæ successiuè fluentibus.

¹⁷ Contra tamen est primò. Quia, licet ob differentiam datam spatij localis, & temporalis efficeretur, vt partes huius præ illius rem semel iam existentes in aliqua primâ se ipsis determinarent extrinsecè, vt sibi denuò succedentes, bus denuò coexistenter absque alia intrinsecè formâ superadditâ successiuè. At certè, vt res inciperet existere in primâ potius, quam in secundâ, vel tertiat, ipsa pars prima determinare non posset; cùm nihil peculiariter ea habeat præ ceteris, ratione cuius inciperet res existere in illa potius, quam in secundâ, vel tertiat, vel aliquâ alia ex anterioribus. Aliquod ergo determinatum, superaddendum est; quod, cùm nequat esse volitio Dei, vt constat ex paulo antea dictis, esset duratio superaddita suæ naturâ ponens rem in primâ temporis parte, in qua existere inciperet. Quemadmodum, vt arbor alias indifferens ad existendum prope flumen, vel procul, extrinsecam, & successiuam è propinquuo correspondientiam habeat cum omnibus partibus aquæ successiuè fluentibus, prius necessariò debet per præsentiam intrinsecam sibi, & superadditam prope flumen locari. Ex quo patet, per successionem, quam habent partes spatij tempora-

lis præ partibus spatij localis, non excludi necessitatem omnis superadditæ durationis. Siquidem saltem in prima parte spatij temporalis, in qua vnaquæque res incipit esse, illam necessariò debet habere.

Verum, quod non solum in primâ, sed in omnibus, in quibus durat, debeat illam habere, æquè, ac in omnibus partibus spatij localis in quibus fit præsens præsentiam superadditam habet, aliunde ostenditur. Quoniam, eti pars spatij temporalis à partibus spatij localis in successione differant, conuenient tamen cum illis in indifferentiâ, quam habent, vt penetrerentur, vel non penetrerentur cum rebus alijs existentibus: quæ indifferentiâ, vt nequit tolli à partibus spatij localis in ordine ad penetrationem localem, nisi per præsentiam superadditam, ita nequit tolli à partibus spatij temporalis in ordine ad penetrationem temporalem, nisi per superadditam durationem.

Quod vt penitus tandem comprehendatur, ¹⁹ animaduertenda est quædam generalis, atque, certissima denominationum doctrina alibi à nobis demonstrata. Nimirum. Quoties duo quæpiam extrema se ipsis, & nulla aliâ interueniente entitate, aliquam denominationem subeunt prout existentia, non potest non talis denominatio adeo esse illis necessaria, & essentialis, vt nullam ad carendum illa indifferentiam habeant ex suppositione, quod existant. Est clarum. Quia, cum illa denominatio ab ipsis extremis non distinguatur à parte rei; siquidem illa sola sunt realia fundamenta eius, vt ponimus; tam necessarium est, illam habere, dum existunt, quam necessarium est, habere se ipsa, sive est id ipsum, quod sunt. Sic, quia quantitas A, & quantitas B à se ipsis solis denominantur æquales, distinctæ, dissimiles, commensurabiles, &c. impossibile omnino est, eas existere, quin sint æquales, distinctæ, dissimiles, commensurabiles, &c. Quoties verò duo quæpiam extrema prout existentia indifferentia sunt ad subeundam denominationem aliquam; quia existere aliquando possunt, quin illam subeant: tunc talis denominatio ab ipsis solis nasci non potest; sed aliquod aliud insuper fundamentum reale eius debet interuenire. Hoc dictum demonstratur ex primo. Quia, si ex solis extremis proueniret denominatio, citra omnem indifferentiam esset eis necessaria, vt vidimus. Ergo, quando non est eis necessaria, non prouenit ex illis solis. Ergo ex alio quæpiam.

Ex his ostendo satis clare, non posse rem ²⁰ creatam existere in villa parte spatij temporalis, seu temporis imaginarij absque superadditâ duratione. Quia hoc, quod est, talem rem in tali parte temporis existere, sive in ea dure, sive cum eâ mutuò penetrari temporaliter, denominations sunt non necessaria, & essentialia, sed accessoria, & contingentes his duobus extremis prout existentibus, siquidem ambo possunt existere, quin mutuò temporaliter penetrerentur, & quin alterum existat, sive duret in alio, vt constat. Ergo tales denominations non ex solis istis extremis, sed ex aliquo alio insuper fundamento realiter interueniente proueniant. Quod, cùm non sit volitio Dei, vt constat ex dictis; erit duratio superaddita. Aliud enim excogitabile esse non potest, vt & Aduersarij ipsi supponunt.

Quinto probo ab absurdo propositionem. ²¹

Quia

Quia si unaquaque res per suam dumtaxat, & temporis imaginati existentiam (qualis qualis haec est, de quo postea) in tali tempore duraret, nulla res semel producta a Deo, & existens posset duratione priuari, sed necessario semel in aliquo tempore existens semper, & in toto tempore subseque, prouindeque in aeternum existet. Cum enim durare rem in omnibus partibus totius aeterni temporis subsequentis, nihil sit aliud in data hypothesi, quam rem habere existentiam, & tales temporis partes habere esse, quale habent, cum dicuntur existere; supponitur enim denominationem istam ex his dumtaxat extremis, nihilo alio interueniente, consurgere. Cum item Deus impedire non possit, quoniam partes dicti temporis successivae in aeternum fluant, & habeant esse, quale quale habent, unaquaque in suo gradu, iuxta postea dicenda; atque adeo ablatio huius extremi denominationis praedicta non cadat sub potestate Dei; hoc ipso, quod Deus semel poneret extremum alterum dando existentiam rei, nullatenus esset iam impeditibilis dicta denominationis; nullaque subinde potentia posset iam fieri, ut res non duraret in aeternum, quod erat absurdum probandum.

22 Sed cur, inquires, in data hypothesi non poterit Deus rem semel existente deltruere? qua destruenda mox cefabit eius duratio? Dico: quia impossibile est rem destrui, & perire, duratio eius perseverante; eo quod durare non potest in tempore, quod non existit, ut est nonnullum. Indat autem hypothesi duratio rei semel existente cefare non potest. Igitur neque res ipsa potest destrui, & perire. Cum enim durare rem in data hypothesi, nihil sit aliud, quam, quod res sit semel existens secundum se in rerum natura, & quod tempus in quo durat, suo modo etiam existat: quam impossibile est, & chymericum, vt res semel existens secundum se in rerum natura, non sit semel existens secundum se in rerum natura, tam impossibile est, & chymericum in data hypothesi, vt ceflet rei duratio. Quippe ex defectu alterius extremi cefare non potest; cum non sit minus chymericum, & impossibile, vt fluxus continuus partium aeterni temporis, quo pacto ille habet esse, se fistat, & ceflet.

23 Sexto probatur propositio. Quoniam, nisi essent possibles superadditae durationes, se ipsi affixa essentialiter spatio temporalis, se ipsi essentialiter successiva, seque ipsi essentialiter tantum distante inuicem temporaliter, nec plus, nec minus, aut temporaliter contiguae, impossibile esset tempus; sicut esset impossibilis locus, nisi essent possibles ubicationes essentialiter immobiles, & inter se inuicem tantum distantes, &c. prout dicebamus disput. quæst. I. At tempus esse impossibile, dici non potest. Ergo nec dici potest, esse impossibile superadditae durationes habentes proprietates commemoratas. Minor est certa; & consequentia bona. Probatur maior: quia, ut est de conceptu essentiali loci iuxta omnium consensum, esse immobilem, tantumque subinde distante ab alijs locis, nec plus, nec minus, aut eis contignum, &c. ita est de conceptu essentiali temporis iuxta omnium etiam consensum, esse essentialiter successuum, constareque partibus suape essentiæ aut contiguis, aut tantum inter se distantibus, nec plus, nec minus; atque adeo componentibus se-

riem quamdam extensionis temporalis ex suis certis, fixisque gradibus essentialiter invariabilibus coalescentem; prout amplius ex dicendis constabit. Hoc autem habere nequit tempus nisi à durationibus, quæ habeant proprietates commemoratas; quandoquidem illas non habent cetera entia; non solum permanentia, sed successiva, ut motus. Cuncta quippe indifferentia sunt ad existendum in hoc spatio temporali, vel alio; partesque motus non essentialiter, sed ex accidente sunt successiva; possent enim, quantum de se est, absque illa successione à Deo in momento causari. Quod si durationes praedictarum proprietatum possibiles sunt, de facto etiam dantur in rebus: quia de facto dantur temporum tales proprietates habentia, à quibus & res ipsæ illas mutuantur prout durantes in talibus temporibus, ut ex dicendis amplius constabit.

Septimò denique probari potest propositio ²⁴ auctoritate Patrum sepe docentium in eo ab aeternitate Dei durationem creaturæ differere, quod illa (prout conditio scilicet à tempore extrinseco) indubibilis est, & tota simul: in hac vero distinguere est præsens, præteritum, & futurum. Hæc enim tria distinguuntur non possent in duratione creature permanentis, ut Angeli, prout conditio similiter à tempore extrinseco, nisi ea esset superaddita, & diuiniabilis, & successiva. Videantur ad rem Boet. lib. 5. de confus. prosa vlt. Ansel. in Monol. cap. 18. 21. & 24. August. lib. 11. Confess. cap. 14. & tract. 99. in Ioan. Greg. lib. 4. Moral. cap. 27. Pet. Damiani epist. 4. de omnipotencia Dei cap. 6. Bernard. serm. 8. in cant. Isido. lib. 1. sentent. & lib. de summo bono cap. 6. & alij. Ex quorum verbis apparebit, eos pro nostra sententia stare, nec posse sine violentia trahi in oppositam.

Restat modo, ut argumenta diluamus, quæ contra propositionem datam opponi solent. Sitque primum vulgare illud, quo prescribitur, ne multiplicentur entitatis sine necessitate. Ceterum quanta sit necessitas superadditæ durationis, satis superque ostendunt argumenta à nobis pro illa facta.

Secundò obicitur. Deus durat sine duratione superadditæ. Ergo & creatura potest. Nemo consequentiam, quod attinet ad creaturas indifferentes ad existendum in hoc vel altero tempore, quales fere sunt, quæ dantur de facto. Deus enim non ita est indifferens, sed determinatus à te ad existendum in omni tempore. Vtrum autem sit possibilis, aut etiam detur aliqua creatura determinata suape essentiæ ad existendum in aliquo tempore, atque adeo non indigens ad durandum in illo superadditæ duratione, inferius proposito ²⁵ dicetur.

Tertiò obicitur. Si datur duratio superaddita rei existenti, prius natura existeret ipsa res, quam tali duratio, utpote cuius illa causa materialis esset, sed non existeret extra omnem tempus: quia non datur extra. Ergo existeret in aliquo tempore. Ergo duraret in illo prius natura, quam haberet superadditam durationem. Hæc igitur ad durandum impertinet est. Respondeo primò, hoc argumentum etiam fieri posse contra præsentias locales superadditæ, seruat proportione. Quas tamen fere omnes admittunt. Respondeo secundò, in præsenti etiam materiæ eadem vi militare illud contra Adversarios; proindeque ab illis etiam solui debe:

re:

re: apud quos existentiæ rei præcisè sumpta etiam est prius naturæ, quām rei duratio: quia hæc præter rei existentiam aliquo modo includit tempus, in quo res durat, & omnis pars prius naturæ est, quām totum coalescens ex illa. Tum quia ab existentiæ rei ad durationem eius in tali tempore non valet subsistendi consequentia, benè tamen è contra: quo titulo etiam iuxta definitionem Aristotelicam non potest non existentia rei in omni sententiâ prius naturæ esse, quām rei duratio in tali tempore. Respondeo ergo tertio pro omnibus, prius naturæ, quām res existens duret in tempore, existere quidem cum præcisione ab omni alio conceptu: atque adeò in illo priori neque existere in aliquo tempore, neque extra omne tempus, sed præcisiæ: & consequenter nec durare in tempore ante, quām accedit duratio, ut argumentum prætendebat.

28 Quartò obiicitur. Si duratio rei est quid superadditum, prius naturæ dedit Deus Petro existentiam, quam daret illi durationem in instanti A. Ergo, cùm Petrus sit indiferens ad existendum in quovis alio instanti, Petro iam existenti in illo priori naturæ potuit Deus loco durationis respondentis instanti A dare durationem respondentem instanti M post mille annos futuro. Ponamus ergo id factum. Quo casu, cùm Petrus ponatur existens prius naturæ, quām duratio respondens instanti A, & hæc suapte essentiæ sit prior tempore per mille annos duratione respondentis instanti M; consequens est, ut Petrus in casu posito millesimo anno ante instanti M iam sit existens. Tum sic. Aut Petrus, postquam extitit in illo priori naturæ ante durationem respondentem instanti A, statim accepit durationem respondentem instanti M; aut illam accepit post mille annos. Si primum. Ergo Petrus durauit in instanti M millesimo anno ante aduentum instantis M; quod est chymaricum. Si secundum. Ergo Petrus existens absque duratione superadditâ expectauit per mille annos durationem respondentem instanti M. Quod ipsum est, durasse per mille annos absque duratione superadditâ contra doctrinam nostram.

29 Hoc etiam argumentum contra præsentias locales superadditas fieri potest. Et in præsenti contra omnes: siquidem in omnium sententiâ existentiæ rei prior naturæ est, quām eius duratio, ut paulo ante ostensum est. Ergo, ut pro omnibus ego ad illud respondeam, noto primò, non posse quidpiam esse prius naturæ, quām aliud, nisi utrumque habeat esse, quia non potest dari prius sine posteriore. Vnde existentiæ rei respectu eius durationis, quam habet de facto, potest dumtaxat esse prior naturæ. Noto secundò ex doctrina tradendâ infra quæst. 6. impossibile omnino esse, ut res aliqua existat à parte rei ab omni tempore absoluta, sed quidquid à parte rei existit, in aliquo tempore determinato debet necessariò existere, quantumvis illud sit indiferens ad existendum in diuersis: quia à parte rei nec tempus, nec quidpiam aliud datur vagum iuxta doctrinam generalē traditam in Pharo Scient. disput. 10. quæst. 2.

30 Ex his ad argumentum dico. Tunc solum est Petri existentia prior naturæ eius duratione, respondentे instanti A, quando de facto accipit Petrus talem durationem. Si vero, Deus

loco durationis respondentis instanti A daret illi durationem respondentem instanti M post mille annos futuro, tunc quidem Petri existentia non esset prior naturæ duratione respondentis instanti A, sed tantum duratione respondentis instanti M, iuxta notationem primam; atque adeò nullà prioritate temporis precederet ipsum instantis M: sed illud esset primum, instantis in quo Petrus tum existere, tum durare inciperet. Quo cessat argumentum factum.

Sed dices. Ponamus ergo Petrum existere, & durare duratione respondentis instanti A; (quo casu citra dubium iam existet Petrus millesimo anno ante instantis M); conferrique à Deo illi quasi per saltum durationem respondentis instanti M, nullà alia prius collata ex intermedij durationibus. Et reddit argumentum factum. Respondeo, id fieri non posse, nisi corrupto Petro immediatè post instantis A, & post mille annos reproducito in instanti M. Alioquin, si Petrus, retentus, & non amissus existentia, à duratione in instanti A quasi per saltum transiret ad durationem in instanti M, non posset non toto eo tempore intermedio existere absolutus ab omni tempore; quod est impossibile iuxta rationem secundam. De quo plura infra quæst. 6.

Alia quædam argumenta possunt adiungi desumpta à negationibus rerum, quarum duratione in tempore necessariò admittenda cum doctrinâ traditâ de durationib[us] superadditis rerum positiviarum non videtur benè componi. Verum, quām benè componatur, ex dicendis infra quæst. 7. de durationibus negationum compertum fiet.

Propositio 2.

Effectus formalis proprius durationis 33 superadditæ est, reddere rem, quam afficit, contiguam, seu immediatam alijs rebus; aut ab eis distantem tantum, vel tantum temporaliter in serie extensionis temporalis, idque vel à parte ante, vel à parte post; aut penetratam cum illis in eodem gradu talis seriei, suppositis tamen aliarum rerum durationibus.

Tantumdem, seruata proportione, dixi de præsentia locali disput. 5. quæst. 1. proposit. 2. Itaque duratio, qua ego duro hodie, contiguum, sine immediatum me constituit temporaliter à parte ante rebus, qua durarunt heri, & à parte post rebus, qua durabunt cras. Distantem autem me constituit à parte ante à rebus, qua durarunt toto tempore antecedente, magis, vel minus iuxta gradum tertie temporis, in quo durarunt; & à parte post à rebus, qua durabunt pariter toto tempore subsequente. Penetratum denique me constituit temporaliter cum rebus, qua simul mecum hodie durant. Ex quo patet, dupl[us] esse genus durationum possibilium. Aliae enim sunt, qua seriem quamdam extensionis temporalis suapte essentiæ componunt utrumque infinitam, scilicet à parte ante, & à parte post, diversisque subinde partibus spatij temporalis respondent. Aliae, qua suapte etiam essentiæ intentionem quamdam temporalem conficiunt, eidemque subinde parti spatij tem-

D D porta.

poralis respondent. Et hæ quidem inter se penetratæ, illæ vero inter se contigæ, aut distantes sunt temporaliter magis, aut minus iuxta maiorem, aut minorem multitudinem interpositarum; talesque redditum res, quas afficiunt. Et denominatio quidem distantis, aut contigæ, aut penetratæ semiextrinseca est, re ipsa in ambobus extremis consistens. Vnde triplex distinguui potest distantia, contiguitas, & penetratio temporalis. Realis, quando ambo extrema sunt realia. Imaginaria, quando ambo extrema sunt partes spatiū temporalis, seu temporis imaginarij. Et mixta, quando alterum extrellum reale, & alterum imaginarium est. Nisi quod penetratio purè imaginaria non datur: quia una pars temporis imaginarij cum alia penetrari non potest. Vide hæc latius exposita in simili loco citato circa præsentiam localem.

34 Ex his collige primò, durationem re ipsa neque respectum, neque connexionem habere, cum tempore imaginario quatenus tali. Tametsi ei suapte essentiæ affixa dicatur: tum quia respicit ad illud discernitur à nobis eius essentia, & gradus fixus, quem, ea constituit seriei temporalis: tum maximè quia cum fundamento illius reali intrinsecè est re ipsa connexa, prout dictum in simili de præsentia loco citato. Secundò collige, durationem non respicere intrinsecè tempus reali extrinsecum in motu Cælorum consistens; quia sine hoc, vel cum illo potest existere. Tertiò, vnam durationem intrinsecè non respicere alias. Tametsi semiextrinsecè denominetur relata ad illas aut distans, aut contigua, aut penetrata; quo etiam patet, ut dictum est, ratione durationum denominantur res durantes. Quemadmodum etiam tam res durans, quam eius duratio semiextrinsecè denominatur à tempore extrinseco aut ei præsentes, aut in eo contentæ, aut ab eo distantes, &c. Quia itidem loco citato fusiis in simili sunt exposita.

35 An vero duratio, & res durans denominantur semiextrinsecè (tametsi necessariò) ab spatio temporali, seu tempore imaginario, cui correspondent, illi præsentes, durantes in illo; cum illo penetrata, &c. dubitabile est. Affirmo; ut ibidem in simili de præsentia, & re præsente affirmavi, & probau. Quia probatio huc pariter adiungo tamen specialem confirmationem inde desumptam, quod Deus non dicitur hodie existere, sive durare in spatio temporali, in quo durabit Antichristus, atque adeò nec tali spatio nec rebus tunc extititis coexistere, aut penetratus temporaliter esse: cum tamen hodie eamdem secum identificatam habeat aternitatem, seu durationem, qua in tali spatio extitimus, seu duraturus est. Igitur vniuersaliter durare in spatio aliquo temporali, seu tempore imaginario, præter intrinsecam durationem rei durantis, ipsum spatium temporale, seu tempus imaginariū innovavit; atque adeò denominatio est semiextrinsecè desumpta ab illo.

Propositio 3.

36 Duratio non res, sed modus rei durantis est. Neque possibilis est duratio à re durante distincta, quæ non sit modus eius.

Hac propositio est omnium, qui durationes superadditas adstruunt, præter Arriagæ, Carletonis, & Lyncei, qui durationes, sicut & præsentias locales, res esse, aut posse esse, non verò modos, arbitrantur. Contra quos oppositum statui, & probau agens de præsentia disput. 5. quæst. 1. proposit. 2. Probationesque adductæ ibi potiore etiam iure faciunt pro duratione. Recognoscantur, & huic propositioni applicentur, Exillimo autem contra Card. Lugo citatum supra num. 5. durationem modum esse specialem de facto (quidquid sit de possibili) distinctum, realiter ab actione, qua res durans producitur, & conservatur. Primum: quia præsentia localis, cui assimilatur duratio, modus est specialis distinctus ab actione, qua fit, & conservatur res præsens, ut statui disput. 5. quæst. 1. Secundò: quia, rem durare, sive tempori correspondere, & rem fieri, aut conseruari, effectus sunt formales diuersi; atque adeò à diuersis formis censendi sunt nasci. Tertiò: quia duratio diuina à Deo indistincta longè à conceptu actionis absit, ut constat. Ergo idem cendum est de creatâ distincta à creaturâ. Quartò: quia, sicut indifferenta effectus, ut fiat ab hac, aut ab alia causa, arguit (dum sit ab hac) distinctionem actionis ab ipso; ita indifferenta durationis rei in tali tempore, ut ab hac, aut ab aliâ causâ proueniat, similiter arguit distinctionem actionis oriundar ab hac (dum ab hac prouenit) ab ipsa duratione. Quoties enim est res indifferens, ut fiat ab hac, aut aliâ causâ, proculdubio est indifferens etiam consequenter, ut ab hac, aut ab aliâ causâ accipiat suam durationem, sicut & suam entitatem. Quintò denique: quia non est, cur actio rei permanentis non sit etiam permanentis. Esset autem successiva essentialiter, si esset à duratione indistincta, ut ex dicendis in seqq. apparet.

Propositio 4.

Possibilis est res tam substantialis, quam accidentalis, quæ se ipsa sine alia duratione superadditâ duret in aliquo spatio temporali, atque adeò ei essentialiter affixa sit.

Ita etiam censet Artiaga disput. 15. Phys. secl. 2. & idem ego censi & probau quæst. citata proposit. 4. de re indistinctâ à suâ præsentia locali. Recognoscatur etiam probatio illa, & huic applicetur. Vtrum autem duratio diuisibilis sive indistincta, sive distincta à re durante spatio temporali diuisibili affixa possibilis sit, examinabimus inferius quæst. 3. Vbi etiam videbimus, an omnis duratio creata de facto penes diuisibilitatem temporis, cui correspontet, sit diuisibilis.

QVÆSTIO VI.

Quid sit spatium temporale, sive tempus imaginariū. Et quid tempus reale.

Petrus Gassendus, qui tom. 1. in Philosophiam 38 Epicuri à pag. 605. cum Epicureis, & alijs ex

Disp. VIII. De tempore, & duratione rerum. Quæst. II, 211

ex præcis Philosophis enixè contendit, spatiū locale rem quādam esse aternam, immobilem, & incorpoream, prout vidimus disput. 5. quæst. 2. eodem pacto philosophatur ibidem de spatio temporali; nī quod hoc successuum iuapt̄ essentia, illud verò permanens est. Vnde tale spatiū temporale ipsum reale tempus esse asseverat: nec vllum aliud reale tempus recognoscit. Ceteri vero Philosophi in ea quæstione citati vnanimiter tenent, spatiū temporale, quod tempus imaginariū dicitur, nullatenus esse quidpiam positivū à Deo distinctum, & actu existens à parte rei; sed vel esse capacitatē quādam motus, seu successiōis durationum, vtrimeque infinita consistentem in possibiliitate ipsius successiōis, seu motus, ut censem plerique; vel esse ipsam Dei aternitatem prout virtualliter diuisibilem, ut non nonnōmo opinabuit; vel negationem necfariō successuum alicuius chymæra; vel negationem non tollibilem successuarum durationum, ut censem Carlet. disp. 37. Phys. sec. 2. vel denique merum pigmentum, consentaneū ad varios modos philosophandi de spatio locali in dicta quæst. 2. recensitos. De tempore autem reali communiter censem Doctores, aut esse cuiusvis motus existentis extensionem, seu durationem successuum; aut certè durationem successuum vnius motus Primi mobilis, qua notissima cuiusvis motus mensura est.

Propositio 1.

39 Spatiū temporale, quod tempus imaginariū appellant, non est aliquid reale, & verū actu existens à parte rei.

Quoniam huiusmodi spatiū, seu tempus ex conceptu suo, ut omnes faciunt, extensio quādam est successiva, seu fluxus quidam successius adinstar motus, perpetuus, vtrimeque infinitus, sive carens principio, & fine, invariabilis, incorruptibilis, à Deo distinctus, & independens ab ipso Deo. Tale autem quid verè, & realiter existens non datur, ut constat ex fide. Ergo, &c. Qua videnda supra disput. 5. quæst. 2. proposit. I, & hoc applicanda,

Propositio 2.

Independenter à conceptione, sive, imaginatione nostrā consistere dicendum, est spatiū temporale in possibiliitate reali, & verā durationum successiōi fluentiū, constituentiumque subinde seriem quādam successionis continuam, & vtrimeque infinitam, scilicet à parte ante, & à parte post: quæ possilitas capacitas quādam realis omnium, quæ existere, & durare possunt, venit dicenda, non quidem realitate existentiæ, sed realitate essentiæ, seu quiditatis, seu possilitatis, iuxta doctrinam vniuersalem de statibus rerum traditam in Phaſo Scient. disput. 10.

Ita censem rēp̄sā, aut etiam loquuntur multi ex commemoratis Doctoribus pariter iure optimo, quod ad præſens attinet, de spatio

temporali, atque de spatio locali philosophantes, nī quod locale permanens est, tempore auctem lucceſſiuum. Itaque, sicut spatiū locale revera possilitas est ubicationum sine fine, circumquaque extenſarum, sive vnius ubicationis circumquaque infinita extenſa, vt pote ex infinitis partibus localis extenſionis composita: in talique proinde ubicatione non quidem existentialiter, sed purè possiliter, atque adeo quiditatiē sumptā consistit. Tametsi à nobis concipiatur per speciem cuiusdam magnitudinis circumquaque infinita actualiter existentia; eoque, titulo spatiū imaginariū dicitur; prout latius disput. 5. quæst. 2. proposit. 2. explicatum est. Sic pariter spatiū temporale revera in possibiliitate consistit cuiusdam serici vtrimeque infinita durationum, seu partium vnius durationis continua se se succendentium secundū prius, & posterius; aliudque subinde non est reipsā ab eiusmodi serie non existentialiter, sed purè possiliter, atque quiditatiē sumptā. Tametsi à nobis concipiatur adinstar cuiusdam fluxus, seu motus actualiter & successiōi existentis, principio, & fine carentis, atque adeo vtrimeque, scilicet à parte ante, & à parte post, infiniti; quo iure illud tempus imaginariū vocatur. Et, sicut spatiū locale realis quādam capacitas est (realitate non existentiæ, sed essentiæ, seu quiditatis) omnium eorum quæ existere possunt, sive ubicari in loco; sic spatiū temporale realis capacitas est (realitate non existentiæ, sed essentiæ, seu quiditatis) omnium eorum, quæ existere possunt, sive durare in tempore. Demum, sicut spatiū locale imaginariū mensura nobis communis est omnium existentium in loco; sic spatiū temporale imaginariū mensura nobis communis est omnium existentium in tempore. Et, qua veritate vnuquodque dicitur in spatio locali ubicari, eadem dicitur durare in spatio temporalis. Et, qua ratione à partibus spatiū localis, & ab ubicationibus eis respondentibus euadunt quilibet extrema aut inter se distantia, tantum, vel tantum, aut inter se contigua, aut inter se penetrata localiter; eadem à partibus spatiū temporalis, & à durationibus eis respondentibus euadunt quilibet extrema aut inter se distantia tantum, vel tantum, aut inter se contigua, aut inter se penetrata temporaliter. Recognoscantur cuncta dicta loco citato de spatio locali, sive de spatio imaginario, & applicentur, proportione seruatā, spatio temporali, sive tempori imaginatio. De vtroque enim ferme in omnibus philosophandū est consimiliter.

Ex quibus infertur primò, spatiū tem- 41
purale, sive tempus imaginariū nequaquam, confitere in aternitate intrinſecā Dei virtualiter diuisibili. Secundò, neque consistere posse in negatione aut alicuius chymæra impossibilis, aut aliquarum durationum non tollibilium. Tertiò, neque esse merum pigmentum absque reali fundamento confictum. Quæ omnia eisdem etiam rationibus, seruatā proportione, probanda veniunt, quibus de spatio locali, sive de spatio imaginario probata sunt loco citato. Recolat eas vnuquisque, & hoc applicet, ne nos actum agamus.

Propositio 3.

42 Tempus reale dicitur uniuersè omnis duratio realis, & successiva motus. Specialius tamen duratio successiva motus celorum oriundi à Primo mobili.

Priorem partem huius propositionis voluit sibi Aristot.lib.4.Phys{text}.101.cum tempus uniuersè definiens dixit, Est numerus motus secundum prius, & posterius. Quasi diceret, est successiva duratio partium motus ab ipsa sua successione numerabilium secundum prius, & posterius. Itaque omnis series durationum partium successuarum cuiusvis motus tempus uniuersè appellatur. Quinimo series item durationum successuarum cuiusvis rei permanentis tempus venit dicenda; cum & ea motis quidam sit successivus, extensoque quædam secundum prius, & posterius, quæ propria est temporis. Potissimum vero dicitur tempus series durationum partium successuarum motus diurni celorum oriundi secundum pris. os Mathematicos à motu Primi mobilis, causantis vicitudinem hano, quam cernimus diernum, & nocturnum, partiumque earum, sive horarum successionem, quam experimur. Huiusmodi quippe motus successio uniuersalior est, & notior, & uniformior, & consequenter aptior, vt nobis mensura sit, qua metiamur, quæcumque existunt, atque adeò durat in tempore.

43 Ceterum, quia uniuersalior adhuc nobis mensura est tempus imaginarium, utpote quo & ipsam durationem motus celorum, & cetera tempora realia, sive realiter existentia à nobis mensuranda veniunt. Quinimo ob eam, quam habet realitatem quiditatiuam, atque pure possibilis constituentem ipsum capax revera omnium, quæ successivè durare possunt, vt explicavimus, non abs iure potest, atque etiam frequenter solet tempus dici absolute. Propterea que Philosophi illi antiquiores, qui spatium dumtaxat locale dicebant locum, vt vidimus disput. 5. quæst. 3. aliud fortasse tempus non agnouerunt. Idecirco distinctionis gratia, quemadmodum in eâ quæst. locum diuisimus in imaginarium, & realem; ita modò pariter possumus tempus diuidere in imaginarium, & reale. Ita, quod tempus imaginarium sit id, quod proposit. 2. explicavimus. Tempus autem reale, potissimum series successiva durationum motus diurni coelestis. Aut etiam qualibet alia series successiva durationum praesertim entium successorum, qua ad meciendas quaslibet alias series successivas durationum quorumvis entium vtimur, aut vt possumus vt mensura.

44 Ex quibus omnibus primò colligitur, omne tempus divisibile essentialiter esse successuum; quia constitut in serie durationum, sive partium durationis essentialiter se succendentium; eaque aut quiditatue, seu pure possibiliter sumpta, si tempus sit imaginarium; aut sumpta existentialiter, si sit reale. Ex quo rursus sit, omne tempus divisibile essentialiter esse extensem, temporaliter: quia idem omnino est, esse temporaliter extensem, & esse successuum. Vtrumque autem est, esse compositum, sive coalescens ex partibus, quarum singulae priores sunt alijs temporaliter.

45 Secundo colligitur, tempus imaginarium, utrumque esse infinitum: quia nulla est possibilis

pars durationis, ante quam non sit alia possibilis; nullaque item possibilis est, post quam non sit possibilis alia. Quod ipsum est, tempus imaginarium in serie partium durationis possibilium, consistens à parte ante, & à parte post, atque adeò utrumque esse infinitum, hoc est, carens principio, & fine. Omnia autem realia tempora finita sunt à parte ante: quia omnia entia realia aliquando incepérunt existere: principium, quæ subinde haberunt, vt docet fides. A parte vero post aliqua realia tempora sunt infinita, nempe series durationum creaturarum, quæ in æternum sunt duraturæ, prout etiam docet fides. Seriesque nunquam finiendæ durationum ætuum, elicendorum successivæ per integrum æternitatem à talibus creaturis.

Tertiò colligitur, quæcumque extrema, 46 in tempore durant, inter se comparata relate ad tempus aut esse inter se distantia tantum, vel tantum; aut esse contigua; aut esse penetrata temporaliter. Distantia temporaliter dicuntur, quando inter partem temporis, cui correspondet unum, & partem temporis, cui correspondet aliud, aliquod tempus intercedit; penes cuius quantitatam maiorem, vel minorem magis, vel minus distantia temporaliter erunt. Contigua temporaliter dicuntur, quando partes temporis, quibus correspondent, immediatas sunt; quin inter eas aliquod aliud mediet tempus. Penetrata denique temporaliter appellantur, quæ eidem tempori, eidemve parti temporis correspondent. Erunt autem penetrata adiquate, quando nulla pars alterius extra tempus alterius est; inadiquate vero, quando aliqua pars alterius intra, & aliqua extra tempus alterius est. Eisdemque modis unumquodque cum ipso tempore, cui correspondet seu totaliter, seu partialiter, dicitur penetrari. Vnde etiam constat, ipsorum partium temporis alias esse inter se distantias tantum, vel tantum; alias inter se immediatas, sive contiguas. Nullæ vero possunt esse inter se penetratae: quia singulæ diversa spacia temporalia constituunt, aut diversis spatiis temporalibus essentialiter correspondent; vt constat ex superius dictis de natura temporis tum imaginarij, tum realis.

Quarto colligitur, eorum, quæ in tempore, 47 re diuisibili durant, alia essentialiter successiva esse; nimur quæ ipsi tempori per se sunt affixa, sive durationes, & cetera, si quæ sunt, euimodi entia. Alia vero accidentaliter, nempe, quæ per durationes sibi accidentiales tali temporis correspondent. Vtrumque autem alia component seriem, sive extensionem temporalem continuam, scilicet quæ partibus temporis continuatis, sive contiguis, sive immediatis se succedentibus correspondent. Alia seriem, sive extensionem temporalem discretam, sive interruptam, quæ videlicet correspondent partibus temporis non immediatis, seu contiguis, sed distantibus inter se. Interruptarum autem serierum interruptions tum plures, aut pauciores; tum maiores, aut minores poterunt esse, vt constat.

Quinto colligitur, partes temporis, quæ ratione sunt, nullatenus posse esse simul; quia sunt essentialiter successiva, vt dictum est. Repugnatque prorsus esse simul extrema, quæ sunt essentialiter successiva: siquidem successorum essentialiter quando unum est, cetera necessariò non sunt; sed vel antea fuerunt, vel erunt postea. Simultaneorum vero, quando unum est, cetera simi-

Disp. VIII. De tempore, & duratione rerum. Quæst. III. 213

similicer sunt. Cætera autem esse, & non esse, quando unum est, apertam præfert contradictionem. Ex quo etiam patet, nullatenus posse esse simul quæcunque alia extrema essentialiter successiva.

49 Postremo est aduertendum, tempus quatenus infinitum æternum adiectuè dici, atque etiam aternitatem substantiæ. Hanc solere diuidi in aternitatem à parte antea, quæ est pars temporis iam præteriti carente principio; & aternitatem à parte post, quæ est pars temporis deinceps futuri carente fine. Vnde tempus prout ab aternitate conditioñum pro parte temporis utriusque finita, atque adeò habente principium, & finem usurpari solet communiter. Dicitur etiam aternitas duratio intra se Dei ab ipso Deo realiter indistincta, & consequenter indivisibilis, atque adeò tota simul: quia neque incœpit in tempore, neque in tempore finienda est; sed necessariò fuit, & erit in toto temporis aternitate extrinsecè Deo carente, vt dictum est, principio, & fine, qua ratione latius dicitur disput. 9. Duratio præterea Angelorum, & aliarum rerum incorruptibilium, quæ, licet habuerit principium, finem habitura non est, etiam communiter nuncupatur. De qua etiam ibi.

QVÆSTIO III.

Quotnam sint durationes entium excogitabiles. Et quanam excogitabilium possibilites sint.

50 Ens, quod per durationem ponitur in spatio temporali, sive in tempore imaginario, (de quo tempore hic sermo erit), illi ve correspondet, aliud est simplex, sive indivisibile physicè, ve Angelus; aliud est compositum, sive indivisibile physicè, vt homo. Compositum autem aut ex partibus in infinitum divisibilibus, aut ex partibus tandem indivisibilibus, aut ex utrisque potest considerari compositum. Rursus aut ex partibus intensionis localis, hoc est in eodem foco penetratis, vt sunt partes intensionis caloris, vel luminis; aut ex partibus extensionis localis, hoc est diuersi partibus loci correspondentibus, vt sunt partes extensionis quantitatis, seu corporis, potest esse compositum.

51 Quando ens simplex in tempore divisibili durat, necesse est omnino, quod totum in toto tempore, & totum in singulis partibus temporis durat, vt constat. Ens vero compositum in tempore etiam divisibili durans aut potest (perinde atqueens simplex) totum in toto tempore, & totum in singulis partibus temporis durare; aut potest durare totum in toto tempore, & singula partes eius in singulis partibus temporis per distributionem accommodam: idque sive partes eius intensionis, sive extensionis localis sint. In tempore autem indivisibili siduret ens, necessariò debet durare totum, atque adeò simul cum omnibus partibus suis, quando fuerit compositum, vñ notum est.

52 Et duratio quidem primi generis definitiva, secundi autem generis circumscripçionalis, & tertii generis contractiva appellari possunt ob ana-

logiam ubicationum similium, quæ hisce nominibus nuncupantur, vt vidimus disput. 5. quæst. 4.

Porro duratio definitiva entis indivisibilis duplex excogitari potest. Altera, quæ penes divisibilitatem temporis, cui correspondet, divisibilis est, ita, vt singulis partibus temporis singulæ quoque durationis partes inter se distinctæ respondeant, quæ tamen eiusdem subiecti durationes sint. Altera, quæ omnino indivisibilis est; atque ita, non per suarum partium distributionem, quas non habet, sed per suos totius replicationem, sive repetitionem ponitur, ponitque suum subiectum in omnibus, & singulis temporis partibus. Qualiter aternitas intrinseca, & indivisibilis Dei, ipleque Deus per illam omnibus, & singulis partibus temporis correspondet, sive in eis durat.

Duratio vero definitiva entis divisibilis quæduplex excogitari potest. Prima, quæ penes divisibilitatem tam temporis, quam subiecti divisibilis est; atque ita ex duplice genere partium constat. Aliæ sunt, quibus qualibet pars subiecti omnibus, & singulis partibus temporis correspondet. Aliæ, quibus cuilibet parti temporis correspondent omnes, & singulæ partes subiecti. Secunda, quæ penes divisibilitatem solius temporis, non item subiecti, est divisibilis. Cuius proinde qualibet pars in parte temporis, cui correspondet, ponit indivisum totum subiectum; atque ita singulis partibus subiecti per sui repetitionem inhæret. Tertia, quæ penes divisibilitatem solius subiecti, non item temporis, est divisibilis. Cuius proinde qualibet pars eam subiecti partem, cui vñce inhæret, in omnibus, & singulis partibus temporis per sui repetitionem ponit. Quarta denique, quæ omnino indivisibilis est: atque ita per quādam sui repetitionem inhæret singulis partibus subiecti; per alteramque sui repetitionem omnes, & singulas earum ponit in singulis partibus temporis.

Duratio autem circumscripçionalis solùm potest esse composita ex partibus, quārum singulæ partibus distinctis tum subiecti, tum temporis correspondant. Atque ita per illam in omni euentu erit totum subiectum in toto tempore, & singulæ partes subiecti in singulis partibus temporis per distributionem accommodam: idque, sive partes subiecti intensionis, sive extensionis localis sint, iuxta dicta nuper.

Duratio denique contractiva, si sit entis indivisibilis, omnino indivisibilis erit: quia & subiectum, & tempus eius sunt indivisibilia. Nisi quis velit ex partibus pura intensionis posse esse compositum, de qua durationum compositione modo non agimus. Si vero sit entis divisibilis duplex ad rem distinguiri potest. Altera divisibilis penes divisibilitatem subiecti: cuius singulæ partes singulas subiecti partes in eodem indivisibili temporis ponant; idque sive partes subiecti intensionis, sive extensionis localis sint. Altera omnino indivisibilis, quæ per repetitionem sui omnibus, & singulis partibus subiecti inhæret; elque sive intensionis localis, sive extensionis, ipsasque ponat in suo tempore indivisibili.

Sunt præterea multa alia genera durationum excogitabilium, quæ ex commixtione præcedentium resultare possunt, omni earum combinatione facta, iuxta dicta in simili de ubicationibus disput. 5. quæst. 4. citata. Quas modò recensere

serè prolixum esset. Vnde quisque id, si velit, præstare poterit per regulas combinationum traditas in Pharo Scient. disput. 29. Id solum notaverim, nonnullas eiusmodi mixtionum de facto reperi in motibus successivis iationis, alterationis, & augmentationis. Dum enim moveretur localiter subiectum diuisibile, singula partes præsentia, quas successivè illud acquirit, in singulis partibus temporis durant per durationem simpliciter circumscripsum. Omnes vero partes præsentia, quas in unaquaque parte temporis habet simul subiectum omnibus suis partibus correspondentes, durationem habent contradicuum in eadem unaquaque temporis parte, cui illæ respondent. Dum vero motu alterationis successivus mouetur subiectum diuisibile, verbigratia motu calefactionis, singula partes caloris quas successivè illud acquirit, durationem habent circumscripsum secundum quid, hoc est quoad sui inceptionem dum taxat, quatenus unaquaque in parte temporis diversa incipit esse. Quoad perlegerantur vero singula habent durationem definitiunam, quatenus unaquaque per aliquod tempus diuisibile durat (maius, aut minus penes magis aut minus antiquam inceptionem sui); atque ita tota in toto tempore, & tota in singulis eius partibus est. Tantumdemque est de unoquoque aggregato coalescente ex unaquaque parte, & ex alijs, quæ ante ipsam esse cuperunt. Et hæc quidem dicta de partibus intentionis caloris ob resistentiam contrarij successivè incipientibus; atque etiam de partibus extensionis, quæ ob inæqualitatem distantie ab agente, quam habent, successivè etiam incipiunt. Partes namque extensionis æquè distantes ab agente, quæ simul incipiunt, & perseverant, aggregatum componunt; quod durationem simpliciter definitiunam habet, quatenus totum in toto tempore, & totum in singulis partibus temporis durat per sui totius replicationem. Ex quibus facile quisque colliget, quænam durationum mixtio interueniat in motu augmentationis successivæ. Atque in ceteris quibusque casibus, vel qui de facto eveniunt, vel qui excogitabiles sunt.

58 Sequitur iam examinandum dubium inter recentiores Philosophos atque etiam Theologos sati celebre. Num scilicet sit possibilis duratione definitiæ per se respondens individuum temporis diuisibili vel finito, vel infinito, per totumque illud propere essentialiter perseverans. Et vniuersim, an sit possibilis creatura per tempus aliquod diuisibile vel finitum, vel infinitum essentialiter durans, ita, ut semel producta nec de potentia Dei absoluta possit intratemporaliter corrupti. Arriaga disput. 15. Phys. sect. 2, possibilem censet durationem, imo & Angelum per se, & essentialiter durantem tempore diuisibili, ut integra hora, vel die. Cui sententia fauunt Ouidius, contro. 7, de Anim. punct. 1. & alii Recentiores.

39 Communis tan. en Doctorum sententia est, talem durationem, tamquam creaturam in universum penitus repugnare. Impossibilem enim esse omnino creaturam, quæ in quoque tempore, postquam producta est, non possit à Deo de potentia absoluta corrupti, & destruiri; imo & annihiliari. Ita tenent Soar. lib. 1. de Angelis cap. 9. Vazq. 1. par. dub. 182. cap. 2. Tann. disput. 5. quæst. 1. disput. 3. Arrub. disput. 151. cap. 1. Molin. quæst. 50. artic. 2. Card. Lugo tom. de In-

tern. disput. 19. sect. 1. à num. 18. Ripald. tom. 1. de Ente supernat. disput. 59. Quiros disput. 33. de Deo sect. 3. & 4. Spinul. disput. 12. Phys. sect. 4. à num. 49. Et alij Theologi communiter in tract. de Angelis, Viderurque esse sententia Sancotorum Patrum; atque ex Scripturâ sacrâ deducta. Quocirca Soar, supra, Vazq. Tann. & alij absolute pronunciant, esse eam certam secundum fidem. A qua proprieitate ego non audeo recedere,

Et quidem quod non sit possibilis creatura, quæ semel producta sit necessariò duratura in eternum ob connexionem sui essentialium cum duratione eternâ sui; naturâque suâ proinde omnino sit incorruptibilis, adhuc dicitur, ex illo Pauli 1, ad Timot. 6. Qui solus habet immortalitatem, videtur manifeste deduci. Quia, ut expōnit Hieron. Dialogo 2, contra Pelag. sub initio, Solus Deus habet immortalitatem: quia per naturam habet, & non per gratiam. Quo etiam sensu accipiunt verba Pauli alij Patres; ut Ambros. lib. 3. de Fide ad Gratianum cap. 2. Iustinus in lib. qq. quas Gentes Christiani ponunt. De eo quod corpore vacat. quæst. 13. Cyrius lib. 2. contra Julianum, & lib. 8. Thesauri cap. 2. Damascenus lib. 2. de Fide cap. 3. Elias cretens. in primam orationem Nazianzeni in illa verba, Factoris regis, capit. &c. Et Sophronius in sua Epist. post medium recitat, & approbatā in sexta Synodo actione 11. & 13. ubi loquens de creaturis immortalibus ait. Non tamen sunt immortalia per naturam, neque in essentiali incorruptibilem transiunt; sed gratiam eis largitus est à corruptione, & à morte coercientem. Itaque concors Patrum sententia est, creature non per naturam, sed tantum per gratiam, & beneplacitum, seu voluntatem Dei posse esse immortales. Atque ita Deum solum esse immortalē per naturam.

Quod autem nec per tempus finitum possit, creature durare essentialiter, ita, ut ante totum illud transfactum nequeant à Deo corrupti semel productæ, non minus efficaciter probat illud Sapient. 11. Quomodo autem possit aliquid permanere, nisi tu voluisses? aut quod à te vocatum non esset, conseruaretur? Quo significatur, ita quævis creaturam à nutu, & voluntate Dei in sua conservatione penderet, ut in quoque tempore, postquam producta est à Deo, pro ipsius arbitratu corrupti possit. Idquod etiam communiter tenent Patres Ecclesiæ, ut videtur est in August. lib. 5. super Genes. cap. 20. Gregor. Mag. lib. 16. Moral. cap. 19. Damasc. lib. 1. de Fide cap. 3. Nanzianz. orat. 2. Theol. quæ est 36. Anselm. in Monolog. cap. 12. & alijs;

Itaque iuxta communem Sancotorum Patrum, atque Theologorum sententiam in sacrâ Scripturâ fundatam impossibilis est creatura, quæ semel producta ita naturâ suâ, & essentiali petat durare per tempus quodvis diuisibile, ut neque de potentia Dei absoluta possit intra illud, sive ante transfactum illud corrupti, seu desinere esse. Id quod à ratione etiam probari potest. Primo. Quia nulla est possibilis creatura, cui conueniat necessitas primo existendi. Ergo nulla est possibilis creatura, cui conueniat necessitas perseverandi in existentiâ. Antecedens est certum secundum fidem. Ex qua constat, omnem creaturam contingenter incipere existere prout, & voluntate Dei. Consequentia probatur. Quia ex una parte essentiali cuiusvis creaturae nequit non esse eadem in primo, & in sequentibus instantibus suæ durationis, quando apta est du-

rare

rare in pluribus, ut est notissimum: ex alia vero correspondentia eius ad talia instantia, ipsaque instantia eiusdem prorsus rationis sunt, ut etiam constat. Igitur nequit non habere quævis creatura eamdem, aut prorsus similiem contingentiam ad existendum in omnibus instantibus sua durationis, utpote identificata aut cum sua essentia praesertim, aut cum dictis correspondentijs. Et consequenter nequit non esse æquæ contingens existentia eius in subsequentibus instantibus, ac est existentia eius in primo. Quod ipsum est, tam impossibile esse ipsi necessitatem perseverandi in existentiâ, quam est impossibilis ipsi necessitas primo existendi. Quod erat probandum.

⁶³ Secundò probatur, Quia exigentia essentiaialis perseverandi in existentiâ, sive durandi in ea per tempus subsequens perfectio maior esse videtur, quam, ut vlli creatura conuenire queat. Hoc enim ipso, quod creatura essentialicher dependet à Deo in fieri, & in conseruari, ut est certissimum, essentialicher habet esse diuinæ libertati plenè subiectam tam in conseruari, quam in fieri. Qua quidem subiectio essentialicher videatur ferre secum indifferentiam non solum ad incipendum, & non incipiendum existere, sed etiam ad perseverandum in existentiâ, etiam ex suppositione inceptionis eius. Quæ indifferentia cum necessitate ad perseverandum in existentiâ ex tali suppositione incompatibilis est, ut constat.

⁶⁴ Tertiò probatur. Quia ad perfectionem dominij diuini pertinere haud dubie videtur, quod Deus non solum si liber ad producendam quanuis creaturam, sed etiam ad eam semel productam conseruandam, atque adeò ad suspendendam actionem conseruatiuum eius, quandocunque sibi placuerit. Quemadmodum ad perfectionem libertatis humanae pertinere haud dubie videtur, quod homo non solum sit liber ad inchoandas suas actiones, sed etiam ad eas semel inchoatas cum sibi libuerit, suspendendas. Sed creatura que semel producta per tempus aliquod diuinisibilis essentialicher, & necessariò duratura esset, tali perfectioni derogaret dominij Dei, ut constat. Igitur eiusmodi creatura impossibilis est, æquæ, ac impossibile est, dominium Dei carere perfectione.

⁶⁵ Dices. Necessestas conseruandi creaturam ex suppositione productionis eius oriunda à connexione ipsius essentiai cum sua sequente duratione non est necessitas antecedens, sed consequens. Ergo neque derogat dominio Dei: nec vlo titulo est impossibilis. Quemadmodum necessitas producendi, aut conseruandi subiectum ex suppositione productionis cuiusmodi eius oriunda à connexione essentiai talis modi cum tali subiectio non est necessitas antecedens, sed consequens. Atque adeò neque derogat dominio Dei: neque vlo titulo est impossibilis. Et quidem, esse possibiles multas creaturas essentialicher connexas cum alijs prout existentibus aut in eodem tempore, aut in alio, seu præterito, seu futuro, apud omnes est in confessio. Sic enim connectitur omnis modus cum re, cuius est modus. Sic reuelatio Dei, & actus fidei diuinæ cum obiecto reuelato, & credito. Sic omnis cognitio creata vera essentialicher cum obiecto per illam cognito. Et tamen ex suppositione existentia talium creaturarum nec de potentia Dei absoluta fieri potest, ut aliz, quæ eorum terminant connexionem, non existant in tempore suo vel præsente, vel præterito, vel futuro: quin hoc derogat dominio Dei, aut aliquod aliud inconveniens adferat secum. Cur

igitur non erunt possibiles creaturae essentialicher connexæ cum tantâ, vel tantâ duratione futurâ sui, quæ nec de potentia Dei absoluta possint eiusmodi duratione carere ex suppositione, quod existant: quin hoc derogat dominio Dei, aut aliquod aliud inconveniens adferat secum?

Fateor equidem, necessitatem conseruandi creaturam cum sua futura duratione necessariò connexam ex suppositione existentia eius non fore antecedentem, sed consequentem; ut benè pretendit obiectio contra quosdam ex Autoribus nostris sententia putantes, esse antecedentem talem necessitatem. Vnde etiam fateor, fore, ut Deus, non obstante tali necessitate, liber absolute maneret ad talem creaturam non conseruandam, quatenus liber maneret ad eam non producendam, sive ad non decernendum simul, & indiuisim productionem, & conseruationem illius. Nec argumentum à me factum intendit oppositum. Quemadmodum enim quævis voluntas, cui sunt possibiles duo actus connexi inter se, libertatem absolutam habere potest ad eliciendum, vel omitendum utrumque simul: tametsi nequeat libertatem habere ad eliciendum alterum sine altero; quia alterum sine altero existere, impossibile est. Ita in casu possibilis prædictæ creaturae voluntas diuina libertatem absolutam haberet ad decernendum simul primam productionem, & vteroem conseruationem eius: tametsi libera esse non posset ad decernendam productionem sine conseruatione; & consequenter neque ad omitendum, seu suspendendam conseruationem, productione supposita. Ceterum, quia defectum huius posterioris libertatis, censeo, fore in eo casu defectum aliquius perfectionis debitæ dominio diuino: idcirco à tali defectu eatus per argumentum positum impossibilitatem arguo prædicta creatura, quatenus defectus aliquius perfectionis debitæ dominio diuino ex possibiliitate ipsius creaturae necessariò sequutus omnino impossibilis est.

⁶⁷ Nec obstat, quod sint possibiles multæ creaturae connexæ cum alijs prout existentibus, atque adeò improductibiles sine illis: quodque subinde Deus non sit liber ad tales creaturas producendas independenter ab alijs. Tum quia, esse connexam unam creaturam cum aliâ, indigeniam illius atque adeò imperfectionem quamdam à creaturâ non alienam præfert. Cum tamen, esse connexam creaturam cum sua vtero duratione, constantiam in suo esse, atque adeò perfectionem magnam à creaturâ alienam videatur præferre. Tum quia defectus libertatis ad producendam aliquam creaturam sine aliâ etiam productâ, vel suppositâ nullam omnino imperfectionem appingit Deo; ut neque defectus libertatis ad producendum quolibet aliud impossibile. Ast defectus libertatis ad corruptendum in quoquis tempore quanuis creaturam existentem, sive ad suspendendum in quoquis tempore concursum conseruatiuum eius specialis quamdam imperfectio videtur esse dominij diuini. Ad cuius debitam perfectionem pertinere videtur, quod Deus, sicut habet plenam libertatem ad non producendam quanuis creaturam antea improductam, quandocunque illam producit, sic quoque habeat plenam libertatem ad non conseruandam quanuis creaturam antea productam, quandocunque illam conseruat. Ut, quemadmodum esse, ita & non esse creaturarum in ntu diuinæ voluntatis sit possum, sive ab illo dependens.

Postre-

68

Postremò confirmantur omnia prædicta. Quia, si esset possibilis creatura, que semel producta essentialiter esset duratura aut per tempus aliquod diuisibile, aut in æternum; essentialiterque subinde esset incorruptibilis aut intra tale tempus, aut absolute: nulla esset ratio, propter quam negaretur, alias saltem ex creaturis de facto existentibus eiusmodi esse. Quod tamen ita vñanimitate negant Patres, atque Theologi, ut absque temeritatis notâ oppositum affirmare non licet. Ne ergo tam constans Patrum, atque Theologorum sententia omni rationis fundamento dicatur destrita, dicendum proculdubio est, nullam eiusmodi creaturam possibilem esse: ideoque Patres, & Theologos asseruerunt, nullam de facto talem dari; quia censuerunt, nullam talem esse possibilem. Quod si dicatur, assertione munivit Patrum, & Theologorum in solis testimonij scriptura superius commemoratis fundari. Inde etiam confirmandum venit intentum propositum. Quia dicta testimonia, ut ex ipsis, & ex contextu patet vñiversaliter venient intelligenda pro omnibus omnino creaturis tam pure possibilibus, quam existentibus.

69

Quæ cum ita sint, colligo primò, impossibilem esse durationem creatam indiuisibilem respectu temporis, & tempori diuisibili correspondenter per sui replicationem. Atque ita necessarium esse, ut quidquid in tempore diuisibili durat, per durationem respectu temporis diuisibilem tot partes habentem, quot tempus ipsum, correspondentes singulas singulis in eo daret. Idque siue subiectum durans indiuisibile, siue diuisibile sit. Tum siue sit duration definitiva ponens totum subiectum tam diuisibile, quam indiuisibile in toto tempore, & totum in singulis partibus eius: siue sit circumscripitione ponens totum subiectum diuisibile in toto tempore, & singulas partes subiecti in singulis partibus temporis per distributionem accommodam: siue sit mixta ex his duabus iuxta divisiones durationis superficiata in hac quæst.

70

Secundo colligo, nullam creaturam indiuisibilem esse possibilem, quæ per se ipsam, correspondat tempori diuisibili: quia esset quemadmodum duratio crea sui indiuisibilis respectu temporis, & tempori diuisibili per sui replicationem, siue repetitionem respondens; quam esse impossibilem, statuimus.

71

Tertiò colligo, ex speciebus durationis enumeratis supra eas omnes esse impossibilis, quæ prædicatum habent correspondendi indiuisim, perque sui repetitionem tempori diuisibili. Cæteras autem omnes, quæ tale prædicatum non habent, esse possibilis, haud dubitabile eit, ut apparebit vnicuique eas recognoscendi, & consideranti iuxta doctrinam datam in simili disput. 5. quæst. 4.

72

Quarto colligo, impossibilem quoque esse creaturam suæ essentiæ ita ab æterno durantem, ut aliter, quam ab æterno, à Deo non potuerit produci. Quia talis creatura semel existens per tempus infinitum à parte ante duraret necessariò. Atque ita à Deo in quouis ex instantibus talis temporis ante ultimum corrumpi non posset, contra doctrinam stabilitatem. Vnde etiam inferitur, nullam esse creaturam possibilem, quam Deus non possit producere in tempore, atque adeo in aliquâ temporis mensurâ, ante quam præcesserit necessariò infinitum tempus.

Denique est animaduertendum, quamlibet durationem (sicut & quamlibet aliâ rem existentem) aut præsentem, aut præteritam, aut futuram posse esse penes triplicem statum, quem potest habere de præsenti, de præterito, & de futuro. Est præsens, cum de illâ verificatur, quod simpliciter, & absolute est existens. Præterita, cum tantum verificatur de illâ, quod extitit antea. Et futura, cum de illâ tantum verificatur, quod extitit postea. Similiterque tempus reales, consistens in duratione existente aut præsens esse, potest, aut præteritum, aut futurum. Tempus vero imaginarium in possibiliitate durationis re ipsa consistens tunc præsens censetur, quando proximè est possibilis simpliciter, & absolute talis duratio. Tunc præteritum, quando antea fuit possibilis proximè. Et tunc futurum, quando postea erit proximè possibilis. In eo antem gradu seriei durationum est vnicè possibilis proximè duratio quævis, in quo vnicè ipsa esset, si existeret; siue quem ipsa constituit suæ essentiæ quiditatib; cum est purè possibilis, & constitueret etiam existentialiter, si existeret. Ex quibus appetit, tempus in vñigerium tunc præsens venire dicendum, quando simpliciter, & absolute loquendo reuererit, qua ratione est. Tunc præteritum, quando reuererit non est, sed fuit. Et tunc futurum, quando reuererit non est, sed erit. Tantumdemque venit dicendum de duratione, & de alia quavis re. Videantur plura dicta de huiusmodi statibus rerum, & temporum de præsenti, de præterito, & de futuro in Phato Scient. disput. 10. quæst. 4.

QVÆSTIO IV.

Quanam propositiones evidentes, aut alias certæ seu per se nota, seu demonstrata ex terminis huius disputationis in superioribus expositis elicantur collatis tum inter se, tum cum alijs disput. præced. quæst. 6. commemoratis iuxta notata ibidem.

Dico, elici, quæ sequuntur.

Propositio 1.

Tempus diuisibile essentialiter est successuum quoad omnes partes, ex quibus constat.

Hæc propositio tam de tempore reali, quam de imaginario certissima est iuxta dicta quæst. Vnde etiam constat, partes temporis diuisibili nullatenus posse esse simul. Quia esse simul extrema, quæ sunt essentialiter successiva, contradictionem inuoluit, ut demonstratum est ibidem.

Propositio 2.

Quidquid in tempore diuisibili durat, successivè durat.

Est certissimum. Quia durare in tempore diui-

diuisibili, aliud non est, quæ iphi, & partibus eius correspondere. Impossibile autem est alius, quam successiu^e, correspondere quidam partibus temporis, hoc ipso, quod partes temporis successiu^e sunt suæ essentia iuxta proposit. 1.

77 Dicuatur tamen nihilominus omnes illæ res permanentes, quarum integræ essentiae perseverant in tempore diuisibili, tametsi durationes earum, sive correspondentia ad partes talis temporis vñā cum eis successiu^e fluant, ad differentiam aliarum rerum, quæ non solum durationes, sed etiam proprias essentias habent successiu^e fluentes à successione proprietarum partium, ex quibus coalescent. Cuiusmodi sunt motus locales, tempora, & omnes series durationum, aliquaque entium similiter coalescentium, ex partibus successiu^e fluentibus: scilicet quarum vñaq^{ue} ad subsequentis inceptionem de- finit esse.

Propositio 3.

78 Forum, quæ in tempore durant, alia essentialiter, & alia accidentaliter durant, supposito, quod sit vera intentio adstruens durationes, aut etiam res alias se ipsis, atque adeo essentialiter temporis affixas.

Eiusmodi quippe durationes, sive etiam aliae res temporis, cui correspondent, sive in quo durant, ita essentialiter affiguntur, vt neque diuisitudo possint ei non correspondere ex suppositione, quod existant. Cum tamen ceteræ res bene possint existere, quin corrispondent ei temporis, in quo accidentaliter durant. Quæ ex dictis in præcedentibus satis sunt nota.

Propositio 4.

79 Quæcunque in eodem tempore durant, temporaliter penetrata dicuntur, Idque aut adæquate, si totaliter; aut inadæquate, si partialiter durent in eodem tempore: similiterque vnumquodque cum tempore, cui correspondet, dicitur penetrari. Quæ verò in diuersis temporibus durant, aut distantia temporaliter, quando ea tempora inter se distant, & tantum, quantum illa distant; aut contigua temporaliter, si sint ea tempora immediata, dicenda veniunt.

Tota propositio constat ex dictis supra expli- catius quæst. 2. num. 40. Recolantur.

Propositio 5.

80 Quæ cum eodem tempore sunt penetrata adæquate, aut inadæquate; & inter se sunt temporaliter penetrata adæquate, aut inadæquate.

Eit clarum. Quia, esse aliqua temporaliter penetrata adæquate, aut inadæquate, aliud non est, quam ea eidem tempori correspondere, sive in eo durare, sive cum eo penetrari adæquate, aut inadæquate iuxta proposit. 4.

Propositio 6.

Quæ cum nullo tempore possunt pe- 81 netrari adæquate, neque inter se tempora- liter possunt penetrari adæquate.

Est etiam clarum. Quia temporaliter penetrari inter se quævis extrema adæquate, aliud non est, quam ea penetrari adæquate cum aliquo eodem tempore iuxta proposit. 4. Vnde manifestè consequitur, si sit aliquibus extre- mis secundum impossibile, & primum impossibi- le esse.

Propositio 7.

Res indiuisibilis per sui tempora- 82 replicationem, sive repetitionem cum tempore diuisibili, cum omnique re diuisibili quo ad extensionem tempora- temporaliter est penetrabilis adæquate.

Propositio est certissima. Quia Deus, An- geli, anima rationales, & ceteræ quæque res indiuisibiles durantes in tempore diuisibili eo ipso per suas integras entites correspondent omnibus, & singulis partibus talis temporis, vt con- stat. Hoc autem ipsum est, per sui totius tempora- replicationem, sive repetitionem illis correspondere: (vii per sui totius localis repli- cationem, sive repetitionem omnibus, & singulis partibus spatiij localis extensi, in quo sunt, cor- respondent iuxta sepe, latèque dicta supra dis- put. 5. quæst. 6.). Per quam subinde sui totius tempora- replicationem consequenter corre- spondent etiam omnibus alijs rebus, quæ in eis- dem partibus temporis diuisim, atque adeo cum extensione temporali, cum successione ve- partium propriarum durant, vt sunt omnes motus succelui. Quod ipsum est etiam, res indiuisibilis per sui tempora- replicationem, sive repetitionem cum tempore diuisibili, in quo du- rant, cum omnique re diuisibili quo ad exten- sionem tempora- correspondente eidem tem- pori temporaliter penetrari adæquate. Tantum- demque est de re indiuisibili quo ad extensionem tempora- : tametsi sit diuisibilis quoad tem- poralem intensionem; vt sunt omnes res quæ permanentes dicuntur, & per sui tempora- replicationem tempus diuisibile replet, quo- cumque deum modo illæ in se entitatibus sunt diui- sibilis.

Vnde etiam manifestè patet, quando duæ 83 res diuisibiles quoad extensionem tempora- , vt duo motus successivi, eidem tempori adæqua- te correspondent, temporaliter eas penetrari adæ- quate cum inter se, tum cum ipso tempore. At- que adeo, loquendo vniuersè, rem diuisibi- lem quoad extensionem tempora- cum re- similari diuisibili, cumque diuisibili tempore, temporaliter penetrabilem esse adæquate.

Propositio 8.

Duæ quæque res sive indiuisibilis, sive diuisibilis (dummodo neutra sit essen- 84 tialiter extensa temporaliter, seu success- sua) eidem indiuisibili tempori adæquate

E E corre-

correspondere possunt. Atque adeò tum, inter se tum cum ipso tempore per temporalem sui contractionem temporaliter penetrari adæquate.

Est certissimum. Quia sic penetrantur adæquate inter se, & cum instanti præsenti temporis omnia entia tum indivisibilia, tum diuisibilia, quæ existunt nunc, ut est notissimum. Excepti autem res essentialiter successivas, ut series plurium durationum, seu plurium partium unius durationis sese essentialiter succedentium. Quia ha essentialiter affiguntur temporis diuisibili, neque ad instans indivisibile temporis vlo modo contrahi possunt, ut apparebit ex dicendis,

Propositio 9.

85 Extensio temporalis rei per tempus extensem alia est extensio per partium rei temporalem distributionem; alia per totius rei temporalem replicationem, siue repetitionem.

Primaque sit, cum singulæ partes rei singularibus partibus temporis correspondent per distributionem accommodam, vt evenit in partibus durationum, & motuum successiue fluentibus. Secunda verò, cum tota res integrè ponitur in omnibus, & singulis partibus temporis extensi, vt evenit in omnibus rebus, quæ per tempus aliquod diuisibile integrè perseverant. Vnde ad priamam requiritur, quod res tot partes extensionis temporalis habeat, quo habet tempus, per quod extenditur, cui vè correspondet adæquata. Ad secundam verò solùm requiritur, quod tota res in singulis partibus temporis extensi ponatur, siue ipsa in se diuisibilis, siue indivisibilis sit. Nomine autem partis semper intelligo id, quod quoquo modo simul cum alio quopiam, vel alijs componit, siue constituit rotum. Quæ omnia satis ex se, & ex dictis in precedentibus nota sunt,

Propositio 10.

86 Contractio temporalis in tempore indivisibili, siue in instanti alia est rei in se indivisibilis, alia rei in se diuisibilis, seu composite ex partibus.

Constat ex se, & ex dictis, nec maiore eget explicatione.

Propositio 11.

87 Extensio temporalis rei per tempus extensem, contractioque temporalis rei in tempore inextenso, siue in instanti, aut essentialis, seu necessaria, aut accidentalis, seu contingens ipsi rei potest esse, supposito, quod sit vera sententia adstruens durationes, aut etiam alias res se ipsis, atque adeò essentialiter determinato temporis affixas.

Hæc propositio in propositione tertia conti-

netur. Atque ex illâ constat. Nec alia indiget probatione.

Propositio 12.

Quæ sunt distantia temporaliter quatenus talia temporaliter penetrata non sunt. Et quæ penetrata sunt temporaliter prout talia, temporaliter non sunt distantia. Tum quæ temporaliter sunt contigua quatenus talia neque penetrata, neque distantia sunt temporaliter. Sicut neque è converso.

Constat tota hæc propositio ex prop. 13, & 14. datis in simili supra disput. 5. quæst. 6. Recognoscantur, & iuxta ibi dicta pariter demonstretur.

Propositio 13.

Duo extrema aut adæquata, aut in adæquata posse sunt tum contigua, tum distantia, tum penetrata temporaliter.

Constat id aperte tum ex se, tum ex dictis in simili supra disput. 5. quæst. 6. prop. 15. & 16. Quæ ad rem recolenda, & ad propofitum sunt iuia proportione applicanda.

Propositio 14.

Distantia adæquata temporalis magis, & minus potest suscipere. Secus penetratio, & contiguitas etiam adæquata temporalis.

Hæc etiam propositio ex se, & ex dictis in simili loco citato proposit. 17. est comperta.

Propositio 15.

Idem secum ipso penetratum temporaliter dici congruè non potest; estò ponatur plures durationes eidem tempori correspondentes habere. Benè tamen dici potest idem sibi ipsi contiguum, aut à se ipso distans temporaliter prout habens plures correspondencias cum pluribus partibus temporis contiguis, aut distantibus inter se.

Tota propositio est nota ex terminis consentaneè ad proposit. 18. datam loco citato.

Propositio 16.

Impossible est, ut res indivisa quoad extensionem temporalem tempori extenso seu diuisibili corresponeat aliter, quam per sui temporalem replicationem, siue repetitionem.

Constat ex se, & ex dictis tum in simili supra disput. 5. quæst. 6. prop. 23. tum nuper proposit. 7. & 9. Vnde etiam appetat quomodo Deus, Angelus, anima rationalis, alieque res in se indivisibles aliter, quam per sui replicationem, siue repe-

Disp. VIII. De tempore, & duratione rerum. Quæst. IV. 219

repetitionem, tempori extenso, seu diuisibili successuè correspondere non possit. Tantumdemque est de rebus in se diuisibilibus, sed indiuisis tamen quoad extensionem temporalem, atque adeò indiuisim correspondentibus tempori diuisibili, ut sunt omnes res in se diuisibiles, & per tempus aliquod diuisibile perseverantes, seu permanentes.

Propositio 17.

Quotiescumque res indiuisibilis absque vllâ temporali replicatione sui alicui tempori responderet, non potest non tale tempus indiuisibile esse.

Quia si esset diuisibile, iam res indiuisita tempori diuisibili responderet absque vllâ sui temporali replicatione contra proposit. 16. Vnde plane fit, tempus adæquatum rei indiuisibilis non replicat temporaliter dumtaxat esse posse instans indiuisibile. Ex quo rursus manifestè consequitur, rem indiuisibilem nullatenus possit incipere, aut desinere in tempore diuisibili. Quia in eâ temporis mensurâ incipit res indiuisibilis, in qua primo est; in eâque desinit, in qua primo non est. Si autem res indiuisibilis inciperet in tempore diuisibili, in eo toto esset primò, vt supponatur, & simul non esset primò; quia priùs esset in eius dimidio. Quæ sunt contradictoria. Quæ pariter sequuntur, si in tempore diuisibili desinere, vt constat.

Propositio 18.

Vt res indiuisibilis tempus diuisibile repleat, sive ei adæquate respondeat, aliquoties intra illud est replicanda, seu repetenda temporaliter.

Constat propositio hæc tum ex se, tum ex dictis in præcedentibus, & supra disput. 5. quæst. 6. proposit. 25. Quæ ad rem cum suis consequentiis videnda est.

Propositio 19.

Impossibile est, vt res indiuisibilis tempus diuisibile repleat per sui tempore repetitionem, sive replicationem; nisi tale tempus sit compositum ex solis indiuisibilibus, sive instantibus; non verò aut ex solis partibus in infinitum diuisibilibus, aut ex utrisque.

Hæc propositio pariter, imo euidentius demonstranda venit, ac demonstrata est in simili proposit. 26. disput. 5. quæst. 6. Recognoscantur dicta ibi, & hoc applicentur.

Propositio 20.

Impossibile est, vt res diuisibilis citra tempore sui contractionem tempori indiuisibili, sive instanti temporis respondeat.

Constat ex se, & ex dictis in simili loco citato proposit. 27. Vnde etiam apparet, nullam rem temporaliter extensam, hac retentâ exten-

sione, vllatenus posse tempori indiuisibili congruere, sive ei adæquari.

Propositio 21.

Quotiescumque res diuisibilis absque 97 temporali sui contractione alicui tempori responderet, non potest non tale tempus diuisibile esse.

Constat ex se, & ex præcedente. Ex eâque infertur, tempus adæquatum rei diuisibilis temporaliter non contracta necessariò esse diuisibile.

Propositio 22.

Impossible est, vt res diuisibilis com- 98 posita ex partibus sine fine diuisibilibus aut solis, aut mixtis cum indiuisibilibus per talium partium tempore distributionem, absque vllâ contractione congruat, seu adæquetur tempori extenso, seu diuisibili, quod ex solis indiuisibilibus, instantibus ve compositum sit.

Hæc propositio per demonstrationes factas in simili disput. 5. quæst. 6. proposit. 29. facile ab uno quoque poterit, mutatis mutandis, demonstrari.

Propositio 23.

Impossible est, vt res indiuisibilis per 99 sui tempore repetitionem cum re diuisibili abique vllâ contractione temporaliter extensa adæquate penetretur temporaliter, ipsi ve congruat, & adæquetur in tempore extenso seu diuisibili; si hæc ex partibus in infinitum diuisibilibus aut solis, aut mixtis cum indiuisibilibus composita sit.

Hæc etiam propositio per dicta in simili loco citato proposit. 30. pariter, imo euidentius, quam illa, venit à quolibet demonstranda.

Propositio 24.

Nulla res quoad extensionem tempo- 100 ralem diuisibilis datur, imò nec dari potest, quæ ex partibus in infinitum diuisibilibus physicè composita sit. Sed omnes in pura tandem indiuisibilia resolubiles, atque adeò ex solis illis composita physicè necessariò esse debent.

Hæc propositio ad resolutionem infra disp. 10. quæst. 4. tradendam circa continui compositionem pertinet. Maneat tamen hæc demonstrata ex principijs de duratione rerum in tempore; vtii quæst. 6. disput. 5. sèpe citata ex principijs de præsentia rerum in loco similis demonstrata est, nimirum proposit. 31. Demonstratur autem ex dictis pariter in hunc modum. Impossibilis est res quoad extensionem tempore diuisibilis, cum qua Deus, aut etiam Angelus, aliaque res indiuisibiles non sint per sui tempore re-

E 2 plica-

plicationem penetrabiles adæquatè in tempore extenso, seu diuisibili iuxta proposit. 7. (Et quidem de Deo faltem negari nequit, salua fide, esse adæquatè penetrabilem temporaliter cum omni creatura possibili ratione sua æternitatis juxta dicenda dicitur. 9. Aliter autem, quā per sui temporalem replicationem non posse cum temporaliter penetrari adæquatè cum rebus extensis temporaliter, constat ex proposit. 16.). Pergo. Sed Deus, Angelus, aliaque res indiuisibilis per sui localem replicationem non sunt temporaliter penetrabiles adæquatè in tempore extenso cum re quoad extensionem temporalem diuisibili, quæ ex partibus in infinitum diuisibilibus, non verò ex solis indiuisibilibus physicè composita sit, iuxta proposit. 23. Igitur impossibilis est res quoad extensionem temporalem diuisibilis, quæ ex partibus in infinitum diuisibilibus, non verò ex solis indiuisibilibus quoad talem extensionem physicè composita sit.

101 Ex hac propositione infertur, omnem durationem possibilem diuisibilem quoad extensionem temporalem, atque adeo quoad omnes partes sui successivam ex solis tandem indiuisibilibus esse necessario compositam quoad talem extensionem. Et consequenter tempus, quod imaginarium appellant, in ciusmodi duratione, temporaliter extensa prout pure possibili consistens re ipsa iuxta dicta quæst. 2. ex solis partibus indiuisibilibus, atque adeo ex solis instantibus compositum esse necessariò. Tantumdemque dicendum esse de omni motu successivo, de omnique tempore reali iuxta dicta ibidem.

Propositio 25.

102 Eamdem rem in pluribus temporibus, in pluribus ve partibus temporis simul durare, sive illis simul correspondere, impossibile est.

Est clarum. Quia plures temporis partes simul esse non possunt; cum sint eternaliter successivæ iuxta proposit. 1. Atque ita, dum una est, alia non sunt, sed vel fuerunt antea, vel erunt postea. Quo sit, vt dum res durat in ea, quæ adest, in nullâ ceterarum, quæ defunt, possit durare, vt est manifestum. Siquidem in parte temporis, que non est, dum non est, nulla res durare potest, vt constat. Hoc autem ipsum est, non posse rem in pluribus partibus temporis simul durare.

103 Ex hac propositione infertur, impossibile etiam esse, quod eadem res simul penetratur temporaliter cum pluribus alijs rebus prout durantibus in pluribus partibus temporis. Quia cum ipsis partibus temporis simul penetratur iuxta proposit. 4. & 5. Atque adeo simul in eis duraret contra hanc eamdem propositionem.

Propositio 26.

104 Impossibile est, vt eadem pars temporis simul sit præsens, & præterita; vel præsens, & futura.

Est certum. Quia iuxta definitiones statutas supra num. 73, ea pars temporis est præsens, de qua verificatur, quod reuerà est; ea,

autem præterita, vel futura, de qua verificatur, quod reuerà non est, sed vel fuit, vel erit. Constat autem, de eadem parte temporis simul verificari non posse, quod reuerà est, & non est; cum sint extrema contradictoria. Repugnat ergo, quod eadem pars temporis simul sit præsens, & præterita; vel præsens, & futura.

Propositio 27.

Impossibile est, quod aliqua pars temporis sit præterita, quin fuerit aliquando præsens. Tum quod aliqua pars temporis sit futura, quin aliquando præsens erit.

Est certissimum. Quia ea pars temporis est præterita, quæ aliquando fuit, & iam non est. Ea autem futura, quæ aliquando erit, & nondum est. Fuisse autem, & fuisse præsentem aliquando, foreque, & fore præsentem aliquando partem temporis, in idem prius recidunt, vt est notissimum.

Propositio 28.

Pars temporis præsens à parte temporis præterità, & à parte temporis futurá necessario distinguitur.

Est clarum. Nam alioquin eadem pars temporis esset simul præsens, & præterita; aut præsens, & futura contra proposit. 27.

Propositio 29.

Plures temporis partes simul esse præsentes impossibile est.

Quia impossibile est, plures partes temporis simul esse iuxta proposit. 1. Essent autem simul, si simul essent præsentes, vt est manifestum. Quia non possunt esse præsentes, quin reuerà sint; proinde nec possunt esse præsentes simul, quin reuerà sint simul, vt est notissimum. Repugnat igitur illas simul esse præsentes.

Propositio 30.

Omnis pars temporis necessariò vel præsens, vel præterita, vel futura est.

Componit enim tempus ipsum: nam alijs non esset pars eius contra suppositionem. Quidquid autem componit tempus; vel modò est, & ita est præsens; vel antea fuit, & ita est præteritum; vel postea erit, & ita est futurum. Alia enim differentia essendi non datur in ijs, quæ tempus componunt, vt est notissimum.

Propositio 31.

Quando aliqua pars temporis præsens est, omnis alia ab illa adæquate distincta necessariò est vel præterita, vel futura.

Necessariò enim debet esse omnis alia vel præsens, vel præterita, vel futura iuxta proposit. 31.

Et

Disp. VIII. De tempore, & duratione rerum. Quæst. IV. 221

Et nequit esse præsens, ne plures temporis partes sint simul præsentes contra proposit. 30. Relinquit ergo, ut sit necessariò vel præterita, vel futura.

Propositio 32.

110 Impossibile est, vt pars temporis, quæ præsens est, in alias partes sit diuisibilis. Sed indiuisibilis prorsus necessariò esse debet.

Demonstratur. Primò: quia, si esset diuisibilis, plures partes temporis, ex quibus illa componeretur simul essent præsentes contra proposit. 29. Secundò: quia, si esset diuisibilis, eo ipso, quod una pars eius esset præsens, altera pars eius necessariò vel esset præterita, vel futura iuxta proposit. 31. aliiunde eadem esset etiam præsens; cum totum ex utraque compositum, præsens ponatur. Sieque eadem pars temporis simul esset præsens, & præterita, vel futura contra proposit. 26. Tertiò: quia, si esset diuisibilis, omnes eius partes essent simul, cum sit necesse simul esse partes, quæ simul cum suo toto præsentes sunt; atque ita tempus ex eis, & alijs compositum non esset successuum quoad omnes suas partes contra proposit. 1. Itaque nulla pars temporis, qui est præsens, potest diuisibilis esse, sed quæcumque est præsens, quando est præsens, necessariò est indiuisibilis. Vnde etiam sequitur conuertendo, nullam partem temporis diuisibilem posse simul, & indiuisim præsentem esse.

111 Ex hac propositione infertur, nullam partem cuiusvis entis quoad omnes suas partes successui, quæ præsens est, posse diuisibilem esse. Et consequenter nullam partem diuisibilem cuiusvis entis quoad omnes suas partes successui posse simul, & indiuisim esse præsentem. Demonstrationes enim factæ eundem in partibus talis entis, ac in partibus temporis, locum habent, vt est notissimum.

Propositio 33.

112 Impossibile est, vt tempus componatur ex partibus sine fine diuisibilibus, sed ex puris tandem indiuisibilibus, sive ex instantibus debet necessariò componi.

Hæc propositio ex proposit. 24. iam constat. Sed aliter ex datis post illam iterum demonstratur. Quia impossibile est, vt tempus non sit compositum tandem ex paribus, quarum singula sunt, aut fuerint, aut erunt aliquando præsentes iuxta proposit. 28. Sed est impossibile partes temporis esse præsentes, nisi sint tandem indiuisibilis iuxta proposit. 32. Ergo est impossibile, vt tempus non sit compositum tandem ex partibus indiuisibilibus, sive ex instantibus; atque adeò, vt componatur ex partibus sine fine diuisibilibus. Quod erat demonstrandum.

113 Pertinet autem propositio hæc ad doctrinam de compositione continuū successui tradendam, disput. 10. quæst. 4. Ex eaque rursus vniuersaliter sequitur, quodvis ens successuum quoad omnes suas partes, atque adeò quoad omnes illas per ipsarum temporalē distributionem extensem temporaliter, ex puris tandem indiu-

sibilibus debere esse compositum physicè; neque ex partibus sine fine diuisibilibus vllatenus posse physicè compositum esse. De quo ibi plura,

Propositio 34.

Quæcumque de actu, & potentia vniuersè in Pharo Scient. disput. 8. quæst. 4. sunt demonstrata, consequenter demonstranda, veniunt de duratione in tempore, de temporalique extensione, contractione, penetratione, contiguitate, distantiā, replicatione, præteritione, præsentia, & futuritione tanquam de quibusdam actibus, deque eorum potentij, quatenus conceputus vniuersales actus, potentiaeque participant.

Ratio est eidens. Quia eidens est, quæcumque conceptibus superioribus conueniunt, & inferioribus, in quibus illi reperiuntur, conuenire. Quocirca omnes demonstrationes ibi factæ hoc poterunt ab unoquoque applicari.

Propositio 35.

Quæcumque de ente, & essentiā in, 115 Pharo Scient. disput. 9. quæst. 5. sunt vniuersè demonstrata, de terminis proposit. præced. recensitis, prout sunt entia, & essentiæ quædam, pariter demonstranda ve-

nient.

Ratio est eadem, quæ eiusdem præcedentis propositionis.

Propositio 36.

Quæcumque de statibus entium in, 116 Pharo Scient. disput. 10. quæst. 5. sunt demonstrata, de terminis commemora-tis proposit. 34. prout habentibus esse in illis statibus similiter demonstranda ve-

nient.

Ratio prorsus est eadem.

Propositio 37.

Quæcumque de possibili, impossibili, 117 contingente, & necessario in vniuersum, sunt demonstrata in Pharo Scient. disput. 11. quæst. 5. de dictis terminis numeratis proposit. 34. prout ea prædicta participantibus similiter veniunt demonstranda.

Ob eamdem præcedentium rationem.

Propositio 38.

Idem similiter dicendum de demon-strationibus factis in dicta Pharo Scient. disput. 13. quæst. 3. circa rerum identitatem, & di-

& distinctionem in uniuersum. Et disput. 14. quæst. 4. circa relationem, connexionem, & oppositionem rerum in genere. Et disput. 15. quæst. 7. circa rerum prioritatem, posterioritatem, & simultatem. Et disp. 16. quæst. 3. circa similitudinem, dissimilitudinem, æqualitatem, inæqualitatemque rerum,

Propositio 39.

119 Idem denique dicendum est de demonstrationibus factis in eadem Pharo disput. 17. quæst. 3. circa rerum unitatem, & plurimalitatem in uniuersum.

Ratio semper est eadem. Quia nimirum termini disputationum omnium, atque questionum ex Pharo Scient. relatarum ob extiam suam uniuersalitatem sperte includuntur tanquam in inferioribus, & minus uniuersalibus in terminis praesentis disputationis, atque questionis enumeratis proposit. 34. Atque ita passiones demonstratae de illis locis citatis non possunt non, & his conuenient cum evidentiæ eadem prout in se includentibus illos. Quo sit, vt & ab unoquoque de his prout includentibus illos eosdem faciliter sint pariter demonstrabiles. Recognoscet ergo unusquisque demonstrationes illas, & hue applicet, prout sibi libuerit, vel prout opus habuerit.

QVAESTIO V.

Vitrum omnia, & singula entia proprias durationes superadditas habeant.

120 Non agimus hic de ente increato, ac tui dispensat. 9. sed de reliquis. Quæ ad tria capita, quod ad rem attinet, reduci possunt; nempe ad substantias spirituales, quales sunt Angeli, & animas rationales; ad substantias corporales, quales sunt reliqua creatæ; & ad vitram, que accidentia.

121 Suppono primò ex dictis quæst. 1. omnia, entia indifferentia ad existendum in diversis temporibus per durationes superadditis determinata ad existendum in illis, in quibus existunt, iuxta ibi latius dicta. Quod querimus modò est, an omnia, & singula per durationes proprias, an vero aliqua per durationes aliorum talem determinationem fortiantur.

122 Suppono secundò, durationes, & earum modos se ipsis affigi determinatis temporibus absque alijs durationibus superadditis iuxta dicta in simili de vocationibus, & earum modis disput. 9. quæst. 7. De quo nullum est dubium.

123 Suppono tertio, si quod datur de facto ens per se ipsum, atque adeo essentialiter affixum determinato tempore, tale ens nullam habere superadditam durationem; cum ipsum per se, & essentialiter sit duratio sui; ipsique proinde non solum naturaliter, sed etiam essentialiter sit alia duratio superficia, qua eidem tempori correspondat.

Suppono quartò, ens essentialiter affixum tempori diuisibili, eo ipso debere esse essentialiter incessuum, (vti est omnis duratio), ex tot. que partibus compositum, quorū habet ipsum tempus. Nam ens indiuisum, atque adeo per sui replicationem affixum tempori diuisibili, atque adeo intra illud incorruptibile essentialiter impossibile est, vt statuimus supra quæst. 3. His positis sit,

Propositio 1.

Substantiæ, quæ de facto dantur tum spirituales, tum corporeæ proprias durationes sibi superadditas habent.

Quia non durant per se ipsas; cum sint permanentes, sive durantes indiuisum per tempus diuisibile; indifferentesque ad durandum in diversis temporibus. Quibus titulis per superadditam sibi durationem durare habent, vt ex dictis in precedentibus constat. Et existunt, durante prius natura, quam sua accidentia. Quo falso titulo per talium accidentium durationem durare non possunt: atque adeo per propriam sibi immediate superadditam debent durare. Et quidem, cum ens complexum ex substantiæ, & accidentibus à determinato tempore independentibus constans, eo ipso per superadditam durationem debet durare iuxta doctrinam statutam quæst. 1. compertum est, talem durationem imprimis substantiæ conuenire debere vt modum eius proprium, ut pote à qua tanquam à radice, & fundamento prout existente, & durante cetera dependentia sunt.

Propositio 2.

Omnia etiam, & singula accidentia, à determinato tempore non dependentia natura sua, sive determinato tempore suæ accidentiæ non affixa proprias durationes sibi immediate superadditas habent.

Quia talia accidentia nec per se ipsa durare possunt ob indifferentiam, quam habent ad durandum in quovis tempore, iuxta numeri dicta; nec possunt durare per durationem substantiæ, cui sunt unita, vel adhærentia, vt constat ex dictis in simili supra disp. 5. quæst. 7. proposit. 7. Argumenta enim, quibus ibi probatum est, omnia, & singula accidentia independentia à determinato loco habere sibi superadditas proprias vocationes, pariter probant, omnia, & singula accidentia independentia à determinato tempore habere sibi superadditas proprias durationes. Recognoscantur, & applicentur.

Excipio autem in propositione accidentia dependentia à determinato tempore, sive ei affixa; quia hæc per se ipsa durant sine superaddita duratione, vt iam pronotauit. Cuius generis præter durationes ipsis, & earum modos existimo esse intellecções, & volitiones humanas, atque etiam angelicas iuxta doctrinam datum in Pharo Scient. de iudicio humano disput. 2. quæst. 4. Conf. 6. Et tacitam uniuersalium de omni intellecione, ac voluntate creatæ disput. 10. quæst. 4. Censeo enim, huiuscmodi actus intellecções, & voluntatis creatæ instantaneos esse, singulisque instantibus temporis variari, ut pote qui per se, & essentialiter ipsis instantibus, in quibus primò existunt, affixi sunt. De quo iterum redibit

Disp. VIII. De tempore, & duratione rerum. Quæst. VI. 223

bit sermo tract. de visione Dei, atque etiam tract. de Scientia, & de Voluntate diuina. Recolantur cætera dicta in simili de vocatione disp. 5. quæst. 7. proposit. 2. citata; & suæ seruat proportione, durationi applicentur.

QVÆSTIO VI.

Vtrum aliquod ens creatum absque omni duratione atque adeo in nullo tempore, sive extra omne tempus possit existere.

¹²⁸ Certum est primò, Deum ab omni duratione in tempore non posse absolui: quia per suam æternitatem essentialiter correspondet omni tempori, dum illud adest. Et est necesse, quod semper adsit aliquid tempus, sive aliqua temporis pars, hoc ipso, quod rempus essentialiter est successivum, & utrumque infinitum, prout supra quæst. 2. expositum est. De quo nullum est dubium.

¹²⁹ Certum est secundò, nullum ens posse naturaliter extra omne tempus existere: quia omne existens conaturaliter saltem exposcit in aliquo tempore existere, sive in eo durare. Solum ergo quaritur, an saltem diuinitus possit ens aliquod extra omne tempus existere, atque ita nullam in aliquo tempore durationem habere; cum tamen verè existens sit. Proceditque quæstio de entibus nulli determinato tempori affixis suæ existentiæ. Nam de affixis essentialiter determinato tempori certum est etiam, nullà potentia absoluta posse à duratione in tali tempore ex suppositione, quod existant.

Propositio vnica.

¹³⁰ Impossibile omnino est, ut aliquod ens creatum sive spirituale, sive corporeum, absque omni duratione, atque adeo extra omne tempus, sive in nullo tempore existat. Vnde nec de potentia Dei absoluta potest id fieri.

Ita omnes hactenus vnamimenter videntur censisse. Nam licet opinentur multi, posse ens creatum saltem diuinitus existere absque omni vocatione absolutum ab omni loco, vt vidimus disput. 5. quæst. 8. Nemo, quem viderim, afferuit hactenus, posse ens creatum adhuc diuinitus existere absque omni duratione absolutum ab omni tempore, prater unum Lynce, qui lib. 7. Physic tract. 2. cap. 5. nouissime contendit oppositum, tanquam probabile defendere. Venit tamen nihilominus imprimis propositio nostra probanda argumentis, quibus in ea quæst. proposit. 1. probatum est, omnino impossibile esse, quod aliquod ens existat, & nullibi, sive absque omni praesentia locali existat; vt pote que potiore, effacioreque iure probant, omnino impossibile esse, quod aliquod ens existat, & nunquam, sive absque omni duratione temporali existat, & vnicuique illa consideranti, & ad propositum, seruat proportione, applicanti conspicuum, fiet.

Deinde venit propositio probanda primò. ¹³¹ Quia impossibile est, ut quidpiam ab statu possibilitatis ad statum existentiae transferatur, quin sit de illo verificabile, quod vel existit, vel extitit, vel existet: alia enim differentia existendi evidenter est impossibilis. At quod existit sub aliqua eorum trium, eo ipso correspondet alicui tempori vel praesenti, vel praeterito, vel futuro, ut constat. Ergo impossibile est, transferri quidpiam ab statu possibilitatis ad statum existentiae, quin alicui tempori correspondeat, atque adeo in eo duret.

Secundo, Quia solum existit simpliciter, ¹³² quod de praesenti existit: praeterita quippe iam non existunt, & futura nondum existunt; existentia autem considerata cum præcisione à praesentia, praeteritione, & futuritione eo ipso considerantur indifferentia ad existendum, & non existendum simpliciter. Sed existere de praesenti, & tempori praesenti coexistere, sive ei correspondere, sive in eo durare, aut idem sunt, aut primum cum secundo est propterea connexum. Ergo impossibile est, ut aliquid existat simpliciter, quin duret in tempore praesenti. Consequenter est bona, Majorque, & minor ex terminis sunt evidentes.

Tertiò. Impossibile est, quidpiam habere ¹³³ esse in statu existentiali, quin sit coexistens tempori reali habenti similiter esse in eodem statu existentiali; & consequenter, quin sit correspondens tempori imaginario, cui tempus reale in quadam duratione consistens suæ existentiæ affixum, & correspondens est, ut constat. At tempori reali coexistere, & tempori imaginario correspondere, hoc ipsum est, in tempore reali, & in tempore imaginario durare, ut etiam constat. Ergo impossibile est, quidpiam habere esse in statu existentiali, sive existere, quin duret in aliquo tempore.

Quartò. Quidquid à Deo potest ad extra produci, ab ipso Deo potest corrupti, & destrui, ut constat ex doctrina statuta supra quæst. 3. Non quidem ita, ut existentia entis producti cum eius non existentiæ, seu destructione coniungatur; nam hoc contradictionem importat, ut constat: sed ita, ut existentia sit prius, & eius destrucción posteriorius. At prius, & posteriorius in existendo, & non existendo aperte præfereunt temporis successionem, nec sine illa possunt constare. Ergo impossibile est, produci à Deo rem ab eodem corruptibilem extra omne tempus, sive independenter ab omni tempore. Et confirmari potest. Quia de conceptu creatura est, quod magis, aut minus perseveret pro nutu sui Creatoris in existentiæ ab ipso recepta. Perseverare autem creaturam magis, aut minus, & eam in maiore, aut in minore tempore durare, aut fuisse idem omnino, aut primum nullo modo potest stare sine seconde. Repugnat ergo, creaturam existere, & in tempore non durare.

Quintò. Existentia, & possibilia quoad ¹³⁵ suam veritatem, obiectuam simultatem quamdam, ac correspondentiam mutuam inter se habent: quandoquidem illa existentialiter, hæc verò quiditatim simul sunt vera. Ergo impossibile est, quidpiam esse verè existens simpliciter, quin sit correspondens possibilitati proxima durationis, in qua tempus praesens consilii; subindeque, quin sit simpliciter durans in tempore. Cum durare in illo, aliud non sit, quæm ipsius praesenti veritati obiectuæ existentialiter correspondere;

Sexto.

136

Sexto. Omne ens existens aut est existens de praesenti, aut non est existens de praesenti. Non enim datur medium. Si est existens de praesenti, eo ipso est durans in tempore praesenti, ut constat ex dictis: subindeque omni duratione in tempore carens non est. Si non est existens de praesenti, eo ipso existit de praesenti, atque adeo in statu existentiali datur negatio eius, ut constabit ex dicendis quest. 7. Cum quo stare nequit, ut ens existat; quia existentem simus extrema contradictione opposita. Impossibile ergo est, quod existat aliquid, & non duret in tempore. Per haec, & cetera, quae in simili scriptum disput., quest. 8. facit quisque confutabit quemque contra propositionem statutam congerit Lynce ubi supra. In quibus proinde speciatim refellendis non est, cur morem. Quomodo autem loco citato non satistuto concedat Lynce, esse possibilis, quod aliqua creatura non sit intime præsens Deo, & consequenter nec Deus ipsi, iam disput. 5. quest. illa 8. notandum. De quo plura dicenda infra disput. 9.

137

Itaque omne ens quod existentiam cum aliqua duratione sui in tempore utrinque infinito, quod imaginarium appellant, essentialiter ei connexum. Tempusque ipsum necessarium est receptaculum omnium existibilium, extra quod nullum eorum potest ullatenus existere: quia non datur extra. Cetera autem, quae in huius veritatis confirmationem possent adduci: non non soluto argumentorum, quae contra illam possent opponi, ex dictis in simili de vocatione, & loco rerum supra disput. 5. quest. 8. citata petenda sunt.

QVÆSTIO VII.

*Qualiter negationes entium existant,
sive durent in tem-
pare?*

138

Sermo est de negationibus tum entium possibilium, tum eorum impossibilium, quibus versus negationes respondent iuxta dicta disput. 5. quest. 9. num. 198. Suppono autem primò, negationes nullam revera habere existentiam ab intentionibus conceptibilem positiue. Tametsi suam, qualam qualam veritatem negatiuum habeant: nosque de illis ad instar entium posiciorum conceptus tanquam de quibusdam entibus positivis per quamdam equivalentiam sive loquamur, prout quest. 9. citata num. 197, suppositum est ex dictis, & expositis latius in Pharo Scient. Secundò suppono, negationem aut posse esse entis indifferentis ad existendum in diversis temporibus, qualia sunt pleraque; aut entis suapte essentiali affixi aliqui temporis determinato, qualia sunt durationes, & similia, iuxta suppositionem etiam factam ibidem num. 199.

Propositio 1.

139

Quemadmodum ens, ita & negatio entis in tempore praesente dumtaxat dici potest existere, sive durare simpliciter.

Quia, quemadmodum ens, quod de-

praesenti non existit, simpliciter dicitur non existere; tametsi extiterit in tempore praeterito, aut sit extitura in futuros ita negatio entis, que de praesenti non existit, co quod de praesenti existit ens ipsi oppositum, simpliciter dicitur non existere; tametsi in tempore praeterito extiterit, aut sit extitura in futuro. Itaque ut sola entia nunc existentia sunt nunc simpliciter existentia; ita sola negationes nunc existentes sunt nunc simpliciter existentes. De quo dubitandum non est. Oportet tamen generatim determinare quanam entium negationes, & quando existant, & qualiter unaquaque duret in tempore, cui correspondet,

Propositio 2.

Negatio de facto remouens à toto spacio existentiali durationem (aut quodvis aliud ens affixum determinato temporis) in eo ipso tempore censetur existere per se ipsam, in quo per se ipsam existeret duratio negata, si existeret.

Est clarum. Quia in eo tempore censetur existere per se negatio entis, à quo per se, sive per proprium defectum deest, seu non existit ipsum ens. Cum deficere quidpiam per se, sive per defectum proprium ab aliquo tempore, & in eodem per se existere negationem eius, in idem planè recidant, ut est notissimum. Sed ab eo ipso tempore, in quo existeret per se duratio, si existeret, deest per se, seu per defectum proprium illa, dum non existit, ut etiam conitat. Igitur in eodem ipso tempore censetur existere per se negatio eius.

Propositio 3.

Negatio de facto remouens ens determinato tempori non affixum à toto statu existentiali eo ipso est existens, sive durans in omni tempore.

Quia ens nullam existentiam habens, quale est exclusum per negationem sui à toto statu existentiali, in nullo tempore durare potest: co quod duratio eius in quovis tempore necessario est connexa intimè cum ipsius existentiâ: & consequenter vice versa negatio eius cum negatione durationis ipsius in omni tempore intimè etiam, & necessario connexa est: eoque titulo cum eadem existens, sive durans in omni tempore juxta doctrinam datam in simili disput. 5. quest. 9. de existentiâ, sive praesentiâ in omni loco negationis entis non existentis. Quia doctrina ab uno quoque recognoscenda est, & ad propositionem applicanda: ne nos actum agamus. Quomodo autem negatio entis nunquam existentis in omni tempore existere, sive durare dici possit, aut per se ipsam, aut per negationes durationum eiusdem entis correspondentium partibus totius temporis. Quomodo item ipsa negatio non per suarum partium, quas non haberet, temporealem distributionem, sed per sui totius temporalis replicationem, sive repetitionem ipsis totius temporis partibus corresponeat, ex dictis itidem in simili loco colligendum est.

pro-

Disp. VIII. De tempore, & duratione rerum. Quæst. VII. 225

Propositio 4.

142 Negatio de facto remouens durationem (aut quodvis aliud ens affixum determinato temporis) à toto statu existentiali eo ipso est etiam existens, siue durans in omni tempore.

Quia talis negatio, præterquam quod per se correspontet speciali titulo ei tempori, à quo per te remouet durationem, quam negat, iuxta dicta proposit. 2. alio item generaliori titulo correspontet omni tempori: quia scilicet necessariò est connexa, intimè cum negationibus aliarum durationum omnibus partibus totius temporis correspontentium, per quas (siue illæ sint impossibilis, siue possibilis) dicta duratio replicata in ipsis omnibus partibus excogitari posset, iuxta doctrinam etiam datam in simili disput. 5. quæst. 9. citatà, quæ ad rem item recognoscenda est. Itaque negatio durationis hodiernæ Petri purè possibilis in omnibus partibus totius temporis durat; in hodierna quidem, quatenus per se ab ea excludit duracionem, quam negat; in ceteris autem, quatenus necessariò est connexa, intimè cum negationibus durationum seu impossibilium, seu possibilium eis respondentium, per quas superadditas, si existentes, duraret in ipsis dicta duratio. Quæ quidem à talibus temporis partibus per talium superadditarum durationum negationes censemur formaliter exclusa: per propriam enim negationem ab eis consequenter dumtaxat, ab statu vero existentiali formaliter excluditur. Quæ omnia per dicta latius in simili loco citato clarius intelliguntur. Vnde etiam vnicuique constabit, quomodo non esse per se ipsam in ceteris omnibus partibus temporis durationem hodiernam Petri purè possibilis, nullam, realem negationem, sed veritatem quendam, positivam importet.

143 Nec ad rem interest, quod durationes superadditæ durationi ad constituendam eam in alijs temporibus ab ipsis proprio sint impossibilis, vt dicemus quæst. 9. cum tamen præsentia superadditæ præsentia ad constituendam eam in alijs spatijs localibus à proprio ipsis possibilis sint, vt diximus disput. 5. quæst. 15. Hoc, inquam, discriminem ad præfens propositum non interest: quandoquidem tam negationes dictarum durationum impossibilium, quam negationes dictarum præsentiarum possibilium vera negationes sunt: euerà suo modo existentes à parte rei iuxta doctrinam generalem de negationibus traditam in Pharo Scient. disput. 9. quæst. 3.

Propositio 5.

144 Quoties existit quodvis ens in aliquā tantum temporis parte, in ceteris à quibus deest, non solum existunt negationes durationum eius eis respondentium, sed etiam negatio ipsius entis: verbi gratia hodie non solum existit negatio durationis hodiernæ Antichristi postea futuri, sed etiam negatio ipsius Antichristi.

Hæc propositio proculdubio de mente omnium Doctorum haec tenus fuit, donec Recentiores quidam nouissimè oppositum opinati sunt,

philosophantes scilicet eodem modo de negatione rerum in tempore, ac de negatione rerum in loco. Quemadmodum enim iuxta sententiam communem à nobis amplexaram, & probatam supra disput. 5. quæst. 9. quoties quodvis ens existit in uno loco, in ceteris, à quibus abest, nullatenus est negatio eius, utpote quæ non est existens in rerum natura; sed tantum sunt negationes præsentiarum ipsis eis locis respondentium.

Ita censemur hi Recentiores, quoties quodvis ens existit in uno tempore, in ceteris, à quibus deest, nullatenus existere negationem eius, sed tantum negationes durationum ipsis eis temporibus respondentium.

Falluntur tamen circa dubium, vt alias breviter ostendit in Pharo Scient. disput. 10. quæst. 4. 145 Primò quidem ob latum discriminem ad rem reportum inter locum, & tempus. Cum enim partes loci sint simul; negationem entis in aliqua earum existentis non compatiuntur secum reliqua; nec simul sint in rerum natura existentia duo extrema contradictoria, qualia sunt quodvis ens, & sua negatio. At vero, cum partes temporis non sint simul, sed successivæ; negationem entis in aliqua earum existentis non solum compatiuntur, sed necessariò ferunt reliqua secum. Tamen, cum ea pars temporis, in qua tale ens existit, necessariò non sit, quando est quælibet reliquarum; eo quod vel iam præteriit, vel nondum accessit; conseqnens est, vt, quando est quælibet reliquarum, nullatenus tale ens existat. Quod ipsum est, existere tunc negationem eius. Itaque nullatenus existit hodie Antichristus, tametsi postea sit extiturus in parte temporis futura: atque adeò hodie non solum datum negatio durationis hodiernæ Antichristi, sed etiam negatio ipsius Antichristi. Et vniuersè in omnibus partibus temporis, in quibus non existit ens aliquando existens, vna cum negationibus durationum ipsis entis talibus partibus correspondentibus ipsis entis datur negatio.

Id quod secundò ab absurdis, quæ sequuntur ex oppositis, nouâ Recentiorum sententiâ, planè videtur comprobari. Sequitur enim ex illâ vniuersim, nunquam dari negationem existentia eius entis, quod aliquando existit, nunquam negationem durationis, quam habet, quo tempore existit, nunquamque subinde tale ens carere existentiâ, aut duratione, quam aliquando habet; sed tantum carere durationibus, quas nunquam habet. Vnde rursus sequitur contra fidem primò, Deum non creasse in principio cœlum, & terram. Quia non potuit Deus in principio tribuere cœlo, & terræ existentiam, aut durationem, qua nunquam carerunt. Prorsusque est idem creare aliquid, & illi existentiam, aut etiam durationem tribuere. Ino hoc eodem titulo, nullum omnino ens eorum, quæ aliquando existunt, potuit in tempore aliquo produci, accipereque existentiam à Deo. Quia impossibile est accipere existentiam in aliquo tempore id, quod in nullo tempore caruit illâ cum nullum ens possit denuò accipere, nisi id, quo carebat antea; vt satis superque notum est.

Secundò sequitur contra fidem, nullum eorum entium, quæ semel existunt, posse corrumpi, seu destrui à Deo. Quia corruptio, seu destrutio formalis entis in desitione existentia eius consilit, hoc est, in negatione existentia eius prout connotante existentiam ipsam immediate antea præterit, vt apud omnes est in-

F 8

con-

confessō: Itaque iuxta sententiam dictam, et si Deus possit enti hactenus existenti vñteriores durationes negare, quo desinet durare vñterius; ipsum tamen propriè corrumperē, & destruere, auferendo ab illo existentiā per oppositam negationem, faciendoque, vt non existat vñterius, sed penitus existentiā careat, nequaquam potest. Quod tamen saluā fide non potest dici,

148 Tertiō sequitur contra fidem, Christum, Dominum vñre, & propriè mortuum non fuisse. Quia mors vera, & propria iuxta sententiam, omnium in corruptione, seu desitione, seu negatione vñonis anime, & corporis consistit. In triduo autem, quo Christum mortuum fuisse credimus, vno anima, & corporis eius iuxta sententiam dictam nec fuit corrupta, nec desuit esse, nec extitit eius negatio; sed tantum fuit interrupta duratio illius, sublata ab illa, seu non concessa duratione, quam insuper in illo triduo posset habere.

149 Quartō sequitur contra fidem, per culpam lethalem non auferri gratiam ab anima, corruptā scilicet gratiā ipsa, & vñione eius; sed tantum denegari anima vñteriores durationes ipsius gratiæ, & vñonis, quin aliquid ex antea præhabitū ab illa auferatur.

150 Quintō sequitur contra fidem, ea omnia loca Scripturæ, in quibus assertur de subiecto aliquo, amississe aliquod accidens, quod antea habebat, aut acquisuisse aliquod accidens, quo antea carebat, qua quidem innumera sunt, secundum proprietatem sermonis omnino falsa esse. Quia iuxta sententiam dictam nullum subiectum successu temporis potest amittere accidens, quod semel habuit, desinente esse in illo tali accidente per sui negationem, prout ad eius amissionem requiritur; sed tantum potest accidentis præhabitū vñteriores durationes non acquirere; quod longe ab amissione eius absit. Nullum item subiectum potest successu temporis acquirere accidens, quo carebat antea: eo quod abique negatione accidentis prout in subiecto, nec potest præcedere in subiecto parentia eius, nec subsequi eius acquisitio, qua rei dumtaxat antea non habita comparatio est.

151 Mitto alia absurdā tum theologica, tum philosophica, qua contra prefatam sententiam, possent proferri. Et probo demum propositionem datam quasi à priori. Quia ex eo præcisè, quod ens non existens hodie aut exterit in tempore præterito, aut sit extitum in futuro, nulla maior, aut minor variatio seu positiva, seu negativa datur hodie in rerum natura, quam, si tale ens esset pure possibile: existentia quippe dicti entis vel præterita, vel futura per se præcisè peritasi rerum præsenti nihil amplius confert, aut demittit, quam si talis non fuisset. Sed si talis non fuisset, dictumque ens pure possibile remaneret, hodie in natura rerum, in ipsa ho dierna die daretur negatio eius iuxta doctrinam proposit. 3. Igitur modò itidem, cùm talis est, ipsa eadem negatio similiiter dicenda est dari. Dico præsenti rerum peritasi nihil conferre, vel detrahere prædicti entis existentiam vel præteritam, vel futuram per se præcisè, vt excludam actus scientiæ, aut volitionis, aut alios respectus terminatos ad illam, qui veluti occasione eius dari hodie possunt, alias non dandi, si ea non foret vel præterita, vel futura.

152 Confirmatur, & declaratur. Quia, cùm

ex vnā parte ens in natura rerum nequeat existere absque aliquā duratione sui iuxta doctrinam statutam quæst. 6. ex aliā verò parte durationes entis sive præterita, sive futura simpliciter non sint: necessariò sequitur, ens sine duratione sui præsente non posse existere simpliciter; simpliciterque subinde non esse existens, cùm deesse ejus duratio præfens. Quod ipsum est, dari simpliciter, & de præsenti negationem eius, cùm talis ipsius durationis datur negatio. Etenim hoc ipso, quod ens est connexum quod existentiam cum aliquā duratione sui vagè, cum præsente manet connexum determinatè supposito, quod futura, & præterita simpliciter de sunt. Atque ita negatio durationis præsensis eius cum negatione existentiæ ipsius manet similiter connexa propter inuersam, notissimamque connexionem, quam necessariò inter se habent contradictionia extermorum inter se connexorum. Quo fit, vt negatio durationis præsensis cuiusvis entis sine negatione existentiæ eiusdem entis stare non possit. Atque ita, quoties ens de præsenti deest, non posse non de præsenti dari ipsius negationem vnā cum negatione durationis præsensis eius, Vnde rursus manifestè, vñuersali terque consequitur, negationem durationis entis in quoquis tempore sine negatione existentiæ ipsius entis in eodem tempore stare non posse; sive tale ens in aliquo alio tempore durationem, & existentiam habeat, sive habeat in nullo.

Verum contra propositionem nostram obisci potest primò. Entis existentis in uno loco in ceteris, in quibus non est, non datur negatio. Ergo entis existentis in uno tempore in ceteris, in quibus non est, negatio non datur. Concesso antecedente; nego consequentiam, propter discriben locorum, & temporum expofitum iam num. 145. & superius disput. 5. quæst. 9. num. 210.

Secundò obisci potest. Ens aliquando existens co ipso translatum est ab statu quiditatuo ad statum existentiale. Sed, si in alijs temporibus, in quibus illud non est existens, esset existens negatio eius, hac quoque esset eo ipso intra statum existentiale; siveque intra eundem statum darentur simul ambo extrema contradictionis, quod prorsus impossibile est. Ergo entis aliquando existentis in nullo alio tempore exilis negatio ipsi contradictioni opposita; sed tantum negatio non opposita ipsi durationis ipsius in illo. Respondeo, hoc ipso, quod non potest quidam existere, nisi in aliquo tempore iuxta certissimam doctrinam statutam quæst. 6. statum existentiale in ipsis veritatibus obiectuvis existentiæ libus consistentem iuxta dicta in Pharo Scient. disput. 10. quæst. 1. à tempore esse dependentem, suosque gradus diuersos per ordinem, sive per connotationem ad tempora diuersa fortiri: atque ita ex tribus imprimis statibus partialibus constare, de præsenti, de præterito, & de futuro; quorum duo postremi rursus ex totidem gradibus componuntur, quos sunt partes temporis præteriti, & partes temporis futuri. Hinc autem sequitur, vt extrema contradictionis, qualia sunt ens, & negatio eius, non eo ipso inter se opponantur, quod sint intra statum existentiale, nisi intra eundem eius gradum sint. Posunt enim intra statum existentiale diuersos statutus partiales circa oppositionem fortiri: tamen si non possint eundem. Itaque sicut existentiæ

entis

entis in statu conditionato, & eius negatio in abso^luto non sunt opposita; atque idcirco utraque haec propositio est vera, Petrus existet hodie, si Deus vellet. Negatio Petri exigit bodie. Sic existentia entis in uno tempore, & eius negatio in alto non sunt opposita. Atque adeo utraque haec propositio similiter est vera, Petrus existit anno præterito. Negatio Petri exigit bodie. Ex quibus pater solutio argumenti facta.

155 Tertio obiecti potest. Ens non affi^{um} per se determinato tempori consideratum, præcisè ve^r existens in nullo tempore est durans, donec accedit duratio affigens illud huic, vel alteri tempori. Ergo negatio illius præcisè sumpti ut existentis à nullo tempore, sed præcisè ab existentia, hue ab statu existentiali excludit formaliter illud. Hinc autem duo sequuntur. Primum, talem negationem in nullo tempore esse posse, sed locum in statu existentiali; quia ibi dumtaxat est negatio, unde per se formaliter excludit ens, quod negat; negatio autem dicta solum excludit per se formaliter ens, quod negat, ab statu existentiali, non verò ab ullo tempore, vt dicum est. Secundum, quando prædictum ens aliquando existit, eius existentiam præcisè sumptam indifferenter ad quodvis tempus dari intra statum existentialiem; sicut intra eundem statum negationem ei contradictrice oppositam cum simili indifferentiā dari non posse; & consequenter neque in ullo tempore: quia quod intra statum existentialiem non datur, in nullo tempore datur: cùm prius sit existere; quām in aliquo tempore existe^r, vt constat.

156 Respondeo, negationem quidem entis non affixi determinato tempori dumtaxat excludere, formaliter existentiam eius præcisè: atque adeo ex vi excludendi eam formaliter in nullo tempore eam existere, sed tantum in statu existentiali præcisè, etiam, quando citra omnem controversiam existens est, vt ieuuenit quando ens negatum nunquam existit. Alio tamen titulo in tali casu existit illa in omni tempore: quia scilicet licet non formaliter, consequenter tamen excludit illa ens, quod negat, ab omni tempore; quatenus intime, & necessariò est connexa cum negationibus durationum ipsius entis omnibus partibus temporis correspondientium: quæ negationes, sive & durationes quas per se formaliter remouent, suopte conceptu sunt per se affixa ipsi partibus temporis. Quæ doctrina iam à nobis in præcedentibus exhibita est. Per eamque patet, quid sit dicendum ad primam argumenti facti illationem. Per quam profectò nihil speciale profertur pro casu, quem modò versamus. Siquidem difficultas, quam obtendit, ab omnibus est elevanda, etiam pro casu, quod non existente in ullo tempore, ente negato, citra omnem controversiam est existens negatio eius. Vel eoque saltem titulo est ab omnibus asserenda existens in omni tempore, quod nulla omnino ratio est, cur asseratur existens potius in uno, quām in alijs temporibus; nec potest existere, & in nullo tempore existere, iuxta doctrinam statutam supra quæst. 6.

157 Ad secundum ergo argumenti oppositi illationem, quæ magis ad casum nostrum facit, respondeo deinde, quamuis ens determinato tempori non affixum ex se sit indifferens ad durandum in quolibet; attenuam nec potest non durare in aliquo, si existit, iuxta doctrinam statutam dicta quæst. 6. nec potest non esse determinata in parte determinata temporis duratio, quam, si

existit, habet de facto. Quo sit, vt quotiescumque existit, in gradu etiam determinato status existentialis determinata temporis parti correspondente debeat existere. Cumque statu existentialis latitudinem habeat penes latitudinem temporis, fine quo nequit esse, eiusque gradus diversi velut diversi status sint in ordine ad suscipienda sine contradictione contradictoria extrema prout num. 154. dictum est. Consequens est, vt, cum ens prædictum in uno gradu, in unāque temporis parte existit, & durat de facto, locus detur, vt eius negatio absque illa contradictione in alio gradu, in aliāque temporis parte existat, & dureret. Indifferentia enim, quam tale ens præcisè à nobis consideratum habet ad existendum in quolibet gradu status existentialis, non facit illud de facto extensum ad omnes, proindeque neque de facto excludens suam negationem ab illis; sed in eo signo præcisionis velut suspensum manet, & expectans durationem, per quam de facto determinetur aut ad integrum statum, si sit duratio in toto tempore, (vt fortasse est possibilis de quo alibi), aut ad unum eius gradum præ reliquis, si sit duratio in una parte temporis etiam præ reliquis, qui est casus, de quo nos tractamus. In quo subinde locus superest, prout dictum est, vt in aliquo reliquorum graduum, in aliquāque reliquarum temporis parium negatio supradicti entis existere, & durare possit sine contradictione. Quo tota doctrina nostra, & communis à technis sibi obtensis libera manet.

Q V A E S T I O VIII.

Vrum veritates quiditatiua entium non existentium sive possibilium, sive etiam impossibilium aliqua ratione dici possint esse in tempore.
Et qualiter.

158 Suppono primò (vt alias supra disput. 5. quæst.) ex dictis in Pharo Scient. disput. 10. infinitas esse veritates quiditatiuas, seu pertinentes ad statum quiditatuum entium non existentium tam impossibilium, quam possibilium. De quo ibi plura.

159 Suppono secundò, eiusmodi veritates neque in loco, neque in tempore dici esse cum omni proprietate, & rigore; quia sic solidm censemur esse in loco, & in tempore res actualiter existentes; quales dictæ veritates non sunt. Difficultas igitur modò est, an aliquo modo, tametsi minus proprio, eiusmodi quiditatiue veritates in tempore esse dici possint.

Propositio 1.

Ens sive possibile, sive impossibile, 160 quod suapte essentiā ita est affixum alicui determinata temporis parti, vt non posset non in ea durare, si existeret, etiam quiditatiue consideratum, dum non existit, in eoque tempore esse venit dicendum, in eoque

F R 2 subin-

subinde habere omnes suas veritates quiditatiwas.

Quia una ex veritatibus quiditatiwas talis entis cæteras omnes cum ipso identificatas transcedens est, illud de suo tali temporis parti correspondere, siue ipsi affixum esse, sic quavis duratio hodierna possibilis etiam quiditatiw considerata cum omnibus suis quiditatiwas veritatis hodie esse dicenda est, quatenus snapte essentia habet, esse durationem hodiernam tempori correspondentem quoad totam suam physicam entitatem. Tantumdemque est de quavis duratione hodiernâ possibili, hoc ipso, quod ex conceptu suo est duratio hodierna, de cæterisque similibus entibus.

Propositio 2.

¹⁶¹ Ens siue possibile, siue impossibile, quod snapte essentia est indifferens ad existendum in quois tempore ex hypothesi, quod existat, ad subeundamque proinde ex eadem hypothesi durationem superadditam cuius tempori correspondentem iuxta doctrinam statutam quæst. I. tametsi conceptum seorsim cum præcisione ab omnī duratione nullibi esse concipiatur, re tamen ipsa quoad suam quiditatem, quoad omnesque suas veritates quiditatiwas semper, seu in omni tempore successiuè esse dicendum est, quantumuis existens non sit.

Quia huiusmodi ens, licet prout præcūsum ab omni duratione superadditā in nullo tempore concipiatur esse, non solum, quando quoad esse quiditatiw, sed etiam, quando quoad essentiale concipiatur; eo quod à sola duratione superadditā sortiri potest esse in aliquo tempore; re tamen ipsa, quia intra statum quiditatiuum, consortium haber cum omnibus proprijs durationibus correspondentibus snapte essentia omnibus partibus temporis successiuè fluentiis, non potest non intra talem statum ab ipsarum quiditate sortiri, esse quoad quiditatem successiuè in omnibus temporis partibus; vt ab earum durationi existentiā sortiretur esse quoad existentiam in illis, si simol cum ipsis existaret; cum eisdemque subinde haberet consortium intra statum existentiale. Cuius ratio conspicua est, vt dicebamus in simili quæst. 10. citata disput. 5. Quia, sicut, quod haberent omnes dicta durationes per se existentia, si existerent, id habent quiditatiw, dum non existunt, iuxta propo-¹⁶²ft. I. ita quod præstant, si existerent, enti prædicto existentia, id præstant ipsi quiditatiw, dum non existunt; ponere videlicet illud in omnibus partibus temporis, quibus ipsæ respondent. Etenim, vt est essentiale cuius durationi hodiernæ prædicti entis existere hodie, si existat; ob idque etiam quoad quiditatem dicurur ea hodie esse. Ita est essentiale coniunctio ex tali duratione, & tali ente sumpto individuim existere hodie, si existat; ob idque illud pariter etiam quoad quiditatem esse hodie dicendum est. Tantumdemque est de coniuncto eiusdem entis, & qualibet alia ipsius duratione cuilibet alijs parti temporis correspondentē.

¹⁶² Ex his inferur, ens quoque affixum snapte

essentia determinatae temporis parti in cæteris omnibus successiuè esse quoad suam quiditatem, quoad omnesque suas veritates quiditatiwas per superadditas durationes talibus partibus correspondentes suopce conceptu. Quamquam enim huiusmodi superadditæ durationes impossibilis sint quoad statum existentiale: quia prorsus repugnat, vt ens vni parti temporis affixum snapte essentia per superadditam durationem existat in alijs temporis partibus, vt dicemus quæst. 9. nihilominus eo ipso, quod tales superadditæ durationes, quantumuis impossibilis, ex conceptu suo quiditatiw sunt durationes talis entis in talibus temporis partibus, non potest non ens ipsum reddi ab illarum consortio intra statum quiditatiuum habens in eisdem temporis partibus suam esse cum omnibus suis quiditatiwas veritatis, non minus, ac redditur ens non affixum ulli temporis parti, à consorrio suarum possibilium durationum juxta nuper dicta, prout etiam dicimus in simili supra disput. 5. quæst. 10. Id quod intelligendum est de durationibus superadditis enti prædicto tum diuisibilibus penes diuisibilitatem temporis, tum indiuisibilibus, per suique subinde replicationem respondentibus temporis diuisibili, eoque aut finito, aut infinito vel ab altero dumentur latere, vel ab utroque; quas etiam non solum respectu entis prædicti, sed respectu cuiusvis alterius esse impossibilis vniuersè statutum relinquimus iam supra quæst. 3.

Vnde rursus interrur, ens indifferens ad existendum in quois tempore non solum correspondere omni tempori quiditatiw sumptum per durationes sibi possibilis eamdem, ac tempus ipsum diuisibilitatem habentes iuxta statutam propositionem; sed insuper per durationes sibi impossibilis indiuisibilis relata ad tempus, atque adeo non per suarum partium distributionem, sed per sui torius replicationem correspondentes temporis diuisibili, eoque vel finito, vel infinito aut ab utroque latere, aut ab altero.

Ex quibus denique inferitur, nullum esse, ¹⁶³ exocitabile ens siue possibile, siue impossibile, (loquor semper de impossibilibus habentibus in se quiditatem iuxta doctrinam datam in Pharo Scient. disput. 11.), quod consideratum quiditatiw non corresponeat successiuè omnibus omnino partibus temporis vna cum omnibus suis passionibus, cum omnibusque suis durationibus iam impossibilis, quam possibilibus, tam respondentibus etiam quiditatiw sumptis per se ipsas, quam per alias superadditas durationes eisdem temporis partibus.

Ex quo tandem sequitur in singulis instantibus temporis successiuè esse intra statum quiditatiuum omnia omnino entia exocitabilia, à Deoque cognita, tum impossibilis, tum possibilia; (sub quibus durationes etiam entium complectimur; quia quædam entia sunt); atque ita in singulis instantibus temporis intra statum quiditatiuum infinites infinita aggregata esse entium, quorum multa possibilia, pleraque vero impossibilia sunt relata ad existentiam. Hoc tamen non interest ad rem. Cum veram nihilominus à Deoque vere indicabilem quiditatem habent intra talem statum, vt ponimus ex dictis disput. 11. citata Phari Scient. utrumque subinde quoad illam singulis instantibus temporis possint correspondere; de factoque subinde correspondant: nec possint non correspondere, prout constat ex dictis.

Supra.

¹⁶⁵ Supererat hic inquirendum, an etiam veritates conditionatae tunc quiditatiæ, tunc existentiales, quæ entibus absolute non existentibus reuerâ conueniunt iuxta doctrinam de eorum statibus traditam in Pharo Scient, disput. 10. etiam dicenda sint aliquo modo esse in tempore, siue in partibus temporis; & in quibus. Cui questioni respondeo uno verbo, in eo tempore, in ijs ve temporis partibus dici debere veritates conditionatas esse, in quibus essent absolute ipsiſ correspondentes, casu, quod earum conditioſ purificatae essent. Quia in quo tempore vnumquodque eset absolute reuerâ, casu, quod purificaretur conditio, sub qua est verum conditionatae, in eodem utique venit hand dubie dicendum esse illud sub conditione, dum non est purificata conditio, sed tantum supposita per hypothesim. Et quoniam omnes veritates quiditatiæ absolutæ in omni tempore sunt iuxta dicta; eodemque iure in omni tempore erunt veritates quiditatiæ conditionatae, si, purificatis conditionibus, transeant in ab solutis, in omni pariter dicenda sunt iam modò ipſe veritates conditionatae. Quoniam item omnis veritas existentialis absoluta in aliquo, aut in omnitempore necessariò esse debet: quia non potest quidiam existere, & in nullo tempore existere, ut supra quæſt. 6. statutum est: proindeque vnaquaque veritas conditionata existentialis, si, purificata conditione, in absolutam transire, in aliquo, aut in omni tempore similiter eset. Consequens est, ut etiam num vnaquaque veritas conditionata existentialis in eo tempore aut finito, aut infinito dicenda sit esse, in quo eset in absolutam translata per purificationem conditionis.

¹⁶⁷ Observandum tamen est ad extreum, Quemadmodum de veritatibus quiditatiis absolutis, aut de conditionatis tunc quiditatiis, tunc existentiaibus entium absolute non existentium dicitur, eas esse reuerâ in tempore vel finito, vel infinito, ita pariter dici posse de veritatibus similibus entium absolutè existentium prout in suis statibus concipiuntur, reuerâque sunt antecedenter ad existentiam absolutam talium entium, & praescindendo ab illâ. De utrisque enim prout in suis statibus praescindentibus ab existentiâ absolutâ eadem, quod ad rem attinet, ratio est.

QVAESTIO IX.

Qualiter unum, vel plura entia cum una, vel pluribus durationibus in una, vel pluribus temporis partibus compara- rata se habere possint.

¹⁶⁸ Nonnulla alia, quæ de duratione rerum in tempore aduertenda restant, per analogiam ad dicta in simili supra disput. 5. de vocatione rerum in loco in hac quæſt. sub praefixo titulo à nobis colligenda sunt; & per sequentes propositiones ediscenda.

Propositio 1.

¹⁶⁹ Plura entia tam spiritualia, quam corporea, tam substantialia, quam accidentalia simul in eodem tempore temporaliter penetrata possunt existere naturaliter. De factoque existunt.

Propositio est certissima. Quia ita se habent omnia entia spiritualia, & corporea, substantialia, & accidentalia creata à Deo, quæ cum Deo ipso in toto Vniuerso simul in eodem tempore de facto existunt, & perseverant.

Propositio 2.

¹⁷⁰ Aliqua entia sunt, quæ naturaliter simul in eodem tempore temporaliter penetrata non possunt existere. Aliqua autem quæ neque supernaturaliter possunt.

Prima pars propositionis constat in entibus, quæ naturaliter sunt opposita aut respectu ad idem subiectum, ut plures formæ respectu eiusdem materiæ: summus calor, & summum frigus respectu eiusdem corporis; plures præsen- tie in pluribus locis respectu eiusdem entis; plures præsentie plurium corporum respectu eiusdem loci; & similia. Hæc namque extrema, quæ ratione sunt inter se opposita, in eodem tempore simul existere non possunt, ut constat. Ut sicut propere etiam respectu eiusdem temporis opposita sunt.

Secunda autem pars propositionis constat ¹⁷¹ similiter in entibus, quæ non naturaliter solum, seu physicè, sed metaphysicè, & simpliciter sunt inter se opposita, adeo, ut contradictionem implicer, ea conjungi aut in eodem subiecto, & consequenter item in eodem tempore; ut sunt iuxta probabiles tententias peccatum mortale, & gratia; assensus, & disensus; amorque, & odium eiusdem obiecti: aut per se primò in eodem tempore; ut sunt durationes affixa essentialiter diueris temporibus; cognitio essentialiter vera de negatione præsente alicuius rei, & res ipsa; & vniuersè quilibet binarius entium, quorum alterum metaphysicè cum alterius negatione est con- nexum.

Propositio 3.

Impossibile est existere modum, quin ¹⁷² existat in eadem parte temporis, aut saltem in immediatâ res, cuius est modus.

Dico, aut saltem in immediatâ. Quia sicut dantur modi, qui solum exposcent suapte essentiâ, quod existant in loco sibi immediato res, quarum sunt modi, iuxta dicta disput. 5. quæſt. 13. ita censeo possibiles modos, qui solum exposcent suapte essentiâ, quod existant in tempore, sibi immediato res, quarum sunt modi. Vtrum autem sint huius generis de facto continuativa rerum successiarum, alibi suo loco dicetur. Præter hos autem, ceteros modos essentialiter postulare, ut simul in eodem tempore secum existant res, quarum sunt modi, apud omnes est in confessione. Nam id manifeste præferunt eorum conceptus, ut etiam ex dictis loco citato sat, superque constat.

Ex hac propositione inferatur primò, vno- ¹⁷³ nem

nem extremonum permanentium essentialiter pos-
tulare, ut in eo tempore, quo ipsa existit, exi-
stant ipsa extrema. Quod etiam sentiant om-
nes. Vnde rursus fit, ut, si uno ex uno tempore
ad aliud transeat, seu, quod est idem, per plu-
res temporis partes perseveret, non possint non
extrema, quae sunt, similiiter ex uno tempore ad
aliud transire, seu per plures easdem temporis
partes perseverare.

174

Secundò infertur, quamus actionem es-
sentialiter poscere, ut in eodem tempore, quo
ipsa existit, simul existant tum principium, à quo
ipsa fluit, tum terminus, sive effectus per ipsam
productus. In quo item omnes conueniunt.
Indeque etiam sequitur, ut quoties actio per
tempus aliquod diuisibile perseverat, necessario
per idem tempus debeant idem principium, &
idem terminus eius perseverare. Perseverare,
autem non solum de possibili, sed etiam de facto
eamdem actionem per tempus diuisibile, quoties
idem eius principium, idemque terminus per tempus
pariter diuisibile perseverat, ut cœnit sapientia,
vero similius mihi est. Quidquid contra
sentiant nonnulli cum Card. Lugo tom. de Incarn.,
disput. 19. scđt. 1. num. 20. ponentes omnem actionem
identificatam cum duratione termini produ-
cti per illam, eoque iure essentialiter successivam.
Cuius oppositum ego statui supra quæst. 1. pro-
posit. 3. Sola perfecta actio productiva durationis,
aut alterius entis per se determinato tempori
affixa est alligata eidem tempori, quin posset ad
subsequens transire; ut etiam ex præsenti propo-
sitione manifeste deducitur. Siquidem modus est
termini sui, sine quo iuxta illam in subsequente
tempore existere nequit.

Propositio 4.

175

Vnum, & idem ens in pluribus tem-
poribus simul existere, omnino impossibi-
le est.

Propositio est evidens, statutaque iam à
nobis supra quæst. 4. Indeque constat: quia plura
tempora simul adesse, ut idem ens simul in il-
lis posset existere, omnino impossibile est. De-
quo plura ibidem. Per quæ discrimen tempo-
rum, & locorum iterum manifeste se prodit.
Siquidem planè est possibile, idem ens simul in
pluribus locis existere posse iuxta dicta disput. 5.
quæst. 12.

Propositio 5.

176

Pleraque entia existere naturaliter
possunt, de factoque existunt in pluribus
partibus temporis successivè. Aliqua vero
nullo modo, adhuc supernaturaliter, pos-
sunt.

Prima pars propositionis manifesta est in
omnibus entibus, quæ cernimus perseverare per
tempus aliquod diuisibile. Ea namque successi-
vè existunt in omnibus partibus eius. Secunda
autem pars constat in durationibus, in alijsque
entibus, si quæ sunt, determinate temporis parti
affixa suapte naturæ. Vnumquodque enim huius-
modi entium in sola eâ parte temporis, cui suapte
essentia est affixum, non in alijs, potest existere.
Quam quidem necessario debere esse indiuisibili-
tem, quando tale ens est indiuisum quoad exten-

sionem temporalem, ex doctrina tradita supra
quæst. 3. constat.

Sed dicet aliquis. Vbicatione determinato
spatio locali affixa essentialiter, & si non posse
inde deesse calu, quod exigit, potest tamen in
alio insuper ipso per aliam præsentiam superad-
ditam supernaturaliter vbicari, vt nos concessi-
mus supra disput. quæst. 15. Ergo, licet dura-
tio ex suppositione, quod exigit, non posse
desse ab ea temporis parte, cui essentialiter affi-
xa est; poterit tamen per aliam superadditam
durationem in alia insuper temporis parte, quan-
do ea adest, supernaturaliter durare. Fateor,
equidem, id fore possibile, si vera esset ten-
tativa possibilem reputans durationem indiuisi-
bilem quoad extentionem temporalem, & nihil
ominus affixam suapte essentia temporis diuisibili.
Quia faciliter videtur, postea creaturam partim
essentialiter, & partim accidentaliter durare in
pluribus partibus temporis, quam, posse in plu-
ribus partibus temporis omnino essentialiter du-
rare. Verum, quia supra quæst. 3. vt falsam
reieci dictam sententiam; consentaneæ ad doctri-
nam ibi traditam existimo modò, esse impossibile,
quod duratio affixa essentialiter vni parti deter-
minata temporis in alia insuper accidentaliter
daret per aliam superadditam durationem. Quia
semper videtur alienum à concepitu creature, ne-
cessitatè essentialiter habere ad existendum in
aliqua temporis parte ex suppositione, quod semel
sit existens in alia aut antecedente, aut subseguente,
ut fieret in casu posto,

Propositio 6.

Ens successivè existens in pluribus 178
partibus temporis, in singulis seorsim pos-
test, quæcumque posset, si existeret in qua-
libet sola; dummodo in singulis seorsim
eamdem secum habeat peritias circum-
stantiarum; sermoque sit de non affixis de-
terminata temporis parti.

Ratio est in promptu. Quia, quando ens
actualiter, & de præsenti correspontet cuius parti
temporis earum plurium, in quibus successivè
durat, in nullâ alia præterquam in illâ est actus
& simpliciter existens; quia ceteræ vel iam præ-
terierunt, vel nondum accesserunt; proindeque
ens in eâ parte temporis, quæ præsens adest, se
habet in ordine ad posse, quæcumque alijs parti-
bus non sunt affixa, ac si in eâ sola existentiam
haberet. Si ergo in eâ eamdem virtutem, eam-
demque circumstantiarum peritias habeat, quam
habet in qualibet, et si esset sola: in eâ viri-
que eadem prorsus potest ex non affixis alijs parti-
bus, quæ in qualibet seorsim posset, et si sola
est. Excipio autem semper affixa alijs parti-
bus temporis; quia certum est, ens prout existens
in vna parte temporis non posse causare aut subie-
ctuè, aut efficienter durationes, & alia acciden-
tia suapte essentia affixa alijs parti- bus aut præ-
teritis, aut futuris: quia solum posse sic causare,
quæ in ipsa eamdem parte temporis possunt existere:
è quorum numero non sunt durationes, & acci-
dencia dicta alijs parti- bus correspondunt, ut
constat ex dictis.

Ex hac propositione sequitur, quodvis ens 179
ex perseverantibus per totum præsentem annum
eadem posse hodie ex non affixis hodierno diei,
quæ

quæ potuit heri , si hodie eadē virtute , adiumentis , & circumstantijs instructum sit , quibus fuit heri : eademque pariter nulli determinato tempori affixa potuisse illud sub eadē circumstantiarum peritatis in singulis diebus præteritis sumptis seorsim ; foreque , vt possit itidem in singulis subsequendis . Atque similiter de similibus in vniuersū philosophandum esse , ad casus item specialioribus descendō , quos sub hac generali regulā comprehendendis sic modō fuerit . Cetera , quæ ad rem spectant , discri menque , quod ad rem attinet , repertum inter ens existens in pluribus temporibus , & ens existens in pluribus locis supra disput. 5. quæst. 14. vi denda sunt .



DISPUTATIO IX.

De æternitate Dei .

Ex dictis disput. 8. de tempore , & dura tione rerum in vniuersū non exiguum deriuabitur lumen ad melius intelligen da ea , quæ de æternitate diuinā dicenda sequuntur in praesenti disputatione .

QUAESTIO I.

Virūm Deus sit æternus .

Hoc adiectivum *æternus* , *æterna* , *æternum* bifariam accipitur . Primo propriè , & strictè pro habente durationem infinitam sive correspondentem tempori infinito aut à parte ante , aut à parte post , aut ab utraque . Secundo impropriè , & latè , sive hyperbolice pro habente durationem valde diuturnam , seu longinquam . Quibus etiam duobus modis accipiuntur hæ particula ab aeterno , & in aeternum . Nam prior in significatione proprià , & strictà significat durationem infinitam à parte ante , atque adeò principio carentem ; & posterior durationem infinitam à parte post , atque adeò carentem fine . In significatione autem improprià , & latè prior signifikat durationem valde longam à parte ante ; tametsi principium habuerit : & posterior durationem valde longam à parte post ; tametsi sit habitura finem . Ut enim iuxta communem lo queudi morem sœpe per quandam hyperboleum dicitur infinitum esse id , quod in suo genere valde magnum , aut longum est . Sic etiam per quandam hyperbolam dicitur sœpe æternum esse id , quod in sua duratione est valde diuturnum . Et in posteriori quidem sensu lato , hyperbolico , & improprio sœpe particula predicta accipiuntur in sacris litteris . Dicitur enim Genes. 17. *Daboque tibi , & semini tuo terram peregrinationis tuae , omnem terram Chana an in possessionem æternam .* Et Iosue 14. *Terra , quam calcavit per tuus , erit possessio tua , & filiorum tuorum in aeternum .* Cum tamen eiusmodi possessiones finem haberint . Leuit. autem 25.

dicitur de servis aduentitijs , *Et hereditario iure transmittetis ad posteros , ac possidebitis in aeternum .* Et Deuter. 15. *de seruo emptito , Et seruiet tibi usque in aeternum .* Cum tamen huicmodi seruorum possesso , & seruitus finienda proculdubio in tempore erat . Sæpeque alibi habentur similia . Frequentius tamen dictæ particula in priori sensu proprio , & stricto usurpantur in sacra Scripturæ . Qualem circa omne dubium habent loca sequentia Math. 25. *Dicidite à me maledicti in ignem aeternum . & infra , Et ibuns bi in supplicium aeternum . Iusti autem in vitam aeternam .* Ioan. 6. *Si quis manducaverit ex hoc pane , vivet in aeternum . & rursus , Qui manducat hunc panem vivet in aeternum .* Actor. 18. *Et crediderunt , quotquot erant præordinati ad vitam aeternam 2. ad Corint. 4. Id enim , quod in praesenti est momentaneum , &c. aeternum gloria pondus operatur in nobis &c. Que enim videntur temporalia sunt ; que autem non videntur aeterna .* Et alia huiuscmodi sexcenta præter ea , quæ subiiciemus postmodum .

Propositio I.

De fide est , Deum omnino æternum . ² esse , atque adeò nec principium aliquando habuisse ; nec finem aliquando fore habitu ram existentiam eius .

Id enim testantur passim sacrae Scripturæ . Dicitur namque Genet. 21. *Nomen Domini Dei aeterni .* Exod. 15. *Dominus regnabit in aeternum , & ultra .* Deuter. 32. *Vivo ego in aeternum , Tobia 13. Magnus es Domine in aeternum ; & in omnia secula regnum tuum .* Psal. 9. *Dominus in aeternum permanet , & infra , Dominus regnabit in aeternum , & in seculum seculi .* Psal. 47. *Quoniam hic est Deus noster in aeternum , & in seculum seculi : ipse reger nos in secula .* Psal. 102. *Misericordia autem Domini ab aeterno , & usque in aeternum super timentes eum .* Prover. 8. *Ab aeterno ordinata sum , & ex antiquis antequam terra fieret .* (Sermo est de Sapientia à Deo indistincta) . Ecclæsticæ 18. *Qui vivit in aeternum , creavit omnia simul .* Isaia 40. *Deus sempiternus Dominus , & cap. 57. Excelsus , & sublimis habitans aeternitatem .* Micheas 5. *Egressus eius ab initio , ab itineribus aeternitatis eius .* (Sermo est de processione Verbi æternæ) Baruch. 4. *Exaceruasti eum , qui fecit vos , Deum aeternum .* Ad Roman. 16. *Præceptum aeterni Dei .* Similiaque alibi sapissime . Nec dicat quipiam , eiusmodi loca de aeternitate impropriè , & latè sumptù pro duratione valde diuturna , tametsi finita , intelligi posse . Hoc namque dicere , nefas esset . Tum quia verba sacra Scriptura præsertim toties repetita in sensu maximè proprio accipienda sunt , quando ex tali acceptio ne nullum absurdum sequitur . Vti euidenter euenit in praesenti . Tum quia prædicta loca de aeternitate propriè sumptù pro duratione infinita intellecta semper sunt ab omnibus Patribus , & ab vniuersa Ecclesiæ catholicæ . Tum denique quia sacra Scriptura , vt omnem ambiguitatem excluderet , per alia sœpe verba ab omni ambiguitate prorsus immunita talēm Dei aeternitatem strictam , & propriam , omninoque subinde infinitam adstruxit , vt cernere est Tobia 9. à Deo Israel , qui regnat in secula seculorum . Psal. 89. *Principium montes fierent , aut formaretur terra & orbis , à seculo , & usque in seculum tu es Deus .* Psal. 101. *Tu*

aeternum